

鈔

本


批


駁


尚

直

編







序



明正統時有沙門空谷景隆者著尚
直尚理二編精舍中原有抄錄之本
其內多援儒入釋偏僻不公之論余
曾批駁之書於本文各條之上數年
前已與府第常來之僧癸未秋余輯
錄澄觀堂隨筆二集時欲取回摘錄



入於集中。不意此書又被一外省僧人持去。覓之不可復得矣。去歲夏輯錄隨筆三集四集時。聊記於四集中。嗣因改正方冊。漢藏內咒語九月間。令人再覓一部。詢至廣寧門外之文殊庵。有不全方冊藏經一部。然其又續藏比精舍所有者多三十餘函。覓

其目錄已遺失矣。遂令抄單標出取覽。見其中南海寶象林沙門弘贊所輯解惑編內有摘錄空谷景隆之尚直尚理編十數則。余遂令人抄錄。維時侍從中一人向嘗售有是編舊抄本一冊。見余命抄。遂呈余觀覽。余既得此全本。因止其抄謄。仍將原經送

回本奇矣。但余從前批駁之語不甚
記憶。故節錄其悖戾處。復指斥而批
駁之。作為隨筆續集。其尚理編所言
皆道教之事。是非不可得知。遂置之
不論也。第其原本字畫潦草。上格隙
地。又難容批寫。故將此編令人抄錄。
至十二月初間始畢。遂將續集中余

所批駁之語。對各條原文書於上格。語長不能容者。抄錄粘於各條之後。余再詳閱之。尚有前所批駁未盡者。又書十數條於原文之上格。或分行細字書於原文之下。今歲新春。即令繕寫新本。裝帙貯於精舍之心月齋。以備余之披覽。並示常來府第之僧。

俾其得見是編之全本也。故記其始末而為之序。

乾隆乙酉元旦後五日

顯親王識



後序

余閱尚直編中其悖謬之處不勝其指斥。惟摘錄其乖戾尤甚者駁正之。作為隨筆續集。其得是編之始末。前序中已略言之矣。至余批駁之由。未經詳言。不得不再為剖示也。夫景隆既為釋氏之徒。見儒者之排佛。即如

明姚廣孝之道餘錄。宋明教禪師契
嵩之非韓靜齋學士劉謐之三教平
心論。明翰林院待詔建安沈士榮之
續原教論等書。直詆昌黎二程朱子
排佛之非可也。何以將儒人而牽引
於釋氏之中乎。乃以濂溪二程捏為
本皆學禪。誣其得法於東林總禪師。

又以溫公程子排佛之語。皆為晦庵
所造。言之鑿鑿。反覆自文其辭。余因
查閱傳燈錄。續傳燈錄。五燈會元。及
本朝僧超永所輯五燈全書等記載。
亦從無一言一字及周程得法於釋
氏之說。夫濂溪二程。本理學大儒。何
嘗有學禪之事也。古今讀書者無不

知之。而景隆獨造此狂瞽之談。其誰信乎。適成為掩耳盜鈴之術耳。豈非自欺之甚者哉。余既將續集中所批駁之語。摘錄之。書於本文之上。或書於每條之後。再詳閱是編。凡有謬戾之談。其原文甚長。難以節錄。入於續集者。復逐條批駁之。對本文書於上。

格。或分行細書於本文之下。均非余
好為批駁也。因見其有悖於正道。不
可為訓。恐其自誤。遂因以誤人。爰就
余所見。以正其誣。俾人知所決擇。不
盡落前人窠臼。故再將其援儒入釋
之弊。約略之以序於後。以見余指駁
之意云爾。至於人之以余言為然否。

亦隨其所見而已矣。余又何必計之也哉。

是歲上元前一日

顯親王撰



尚直編

中吳沙門空谷景隆述



太原王先生名中。字克平。謂余曰。中也聞諸先達曰。佛是聖中之至聖。佛之教法。大道之學也。不識晦庵先生之本意。何為而排之。乞師一言。以為啟迪。曰。據直言之。子則有所嫌忌。逮欲無言。又辜子問。但請力學。至於擴充之地。而無迫隘之量。然後彼

之長短。瞭然可見。何待發問而後知乎。孟子
子謂孔子登東山而小魯。登泰山而小天
下。不其然歟。今夫儒之論道經邦。老之歸
根復命。佛之明心見性。皆明道而弘善也。
書曰。為善不同。同歸乎治。漢牟子曰。君子
博取衆善。以輔其身。此之謂也。是故達人
大觀。庶幾明道理。識言語。烏可死於一人
半人之語乎。吾輩心宗之學。微用文義貫

韓子素不信佛。極口詆排。
後販潮州刺史。俗多桀驁。
民鮮剛雅。因見大顛禪師。
頗知禮義。時與往來。亦以
表異於衆。故不絕其交際。
耳。非排敬佛法也。觀昌黎
文集中。與孟簡書。仍有排
佛更甚之語。此非見大顛
所傳。景隆所言之詞。
不問可知。

穿道理而已。子讀萬卷經書。始為通方達
士。曰。非一朝而可造詣。吾師於理。明切至
當。得相扣也。曰。然則為汝隱然指歸。令汝
自見。韓子未知佛法。所以排佛。及見大顛
禪師。後深敬佛法。晦庵潛心佛學。可謂博
矣。其排佛者。心病也。苟不排佛。則後學多
看佛書。凡看佛書。則見其心病矣。由是密
設牆塹。闕住後學。令走不出。識不破也。

按朱子語類有云。某年十五六時。亦嘗留心於此。一日在病翁所。會一僧。與之語。見他說得也煞好。及去赴試時。便用他意思去胡說。試官為某說動了。遂得舉。時年十九。後年二十四五時。始見李先生。與他說。李先生只說不是。某却疑到李先生。理會此未得。再三質問。李先生只教看聖賢言語。某却將那禪來權宜閣起。意中道禪亦

自在。且將聖人書來讀。讀來讀去。日復一日。覺得聖賢言語。漸漸有味。却回頭看釋氏之說。漸漸破綻。罅漏百出。觀此語。晦翁不遇少年涉獵。何曾博通佛學也。若精研佛學。豈肯排佛乎。至云其排佛者心病也。等語。恣意妄斷。支離之至。

又見明洪武時。翰林院待詔建安沈士榮所著續原教論中有云。朱晦庵所遇之僧。

又非大顛之比。必小有學解。妄稱證得。高
不識禪為何事。烏足為晦庵師問哉。且晦
庵弱冠之年。未曾親見智人。而杜撰參禪。
不出情識境界。及其再來扣問。添得知解。
轉多。故云說得煞好。晦庵由是錯解禪意。
反將其說為應舉之資。久久破綻。豈不宜
哉。等語。觀此則晦庵當初所遇者。必非見
道之高僧可知。所以後觀聖賢言語。便覺

有味。閱釋氏說。遂多破綻。夫禪宗只以意會。不可言傳。若晦翁所見者。果屬大善知識。必指明道路。俾其自悟。用力之久。一旦豁然貫通。有何破綻可見。亦必不排佛矣。故附錄於此。

曰。晦庵牆塹設在何處。曰。指程子云。佛氏之言。比之楊墨。尤為近理。所以其害為尤甚。令如淫聲美色。以遠之。大學中庸序文。

之公家禮內所引溫
公之語是明明有典
冊可稽者而云晦庵
心之所是將有作
無笑訕賴晦庵妄註
之至

或問諸書註語。晦庵語錄。皆存此意。小學
有世俗信浮圖誑誘等語。文公家禮喪禮
篇有云。不作佛事。復指司馬溫公語註云。
世俗信浮圖誑誘等語。全是晦庵心之所
之。不是溫公之語。如是用心。是其設牆塹
也。所以皮膚之學者。偏要排佛。纔讀數十
卷書。心忿忿然。遽以排佛為急務。嗚呼。學
至宏博。自然通泰。排佛之心。稍覺輕矣。學

而至化。出彼牆塹之外。自知排佛之非。追悔不及矣。當知三教之學。乃至琴碁書畫。百工伎藝。學而至於變化之地。始得活機之妙。不然。則在死殺法裏。蘧伯玉六十而化。始得處心之要。學而至化。卒難得也。曰。學而至化。固難得也。且言牆塹。誰能出焉。曰。能出者。大儒也。未造此地者。恬然受其瞶昧而不知。爭能出也。曰。曾有能出者。

觀其所舉諸儒除真
西山外皆非大儒也
況西山亦未見其深
信佛法乎

乎。曰。有。簡而言之。若屏山李公。石塘胡公。
樂軒陳公。希逸林公。西山真公。海粟馮公。
松雪趙公。須溪劉公。德機范公。曼石揭公。
邵庵虞公。仲弘楊公。大樸危公。天錫薩公。
兼善達公。潛卿黃公。廉夫楊公。季迪高公。
歐陽元公。斯道烏公。仲舉張公。景濂宋公。
叔能戴公。伯溫周公。伯昂葉公。大章徐公。
達善王公。君羽錢公。介山王公。性學李公。

廣孝姚公。節庵高公。儀之王公。子啓曾公。
等是也。

司馬溫公與元城劉先生曰。佛家言天堂
地獄。且夫實有此否。元城曰。佛之設此。俾
人易惡向善耳。且鄒衍謂天地之外。如神
州赤縣者八九。莊子謂六合之外。聖人存
而不論。凡人耳目所不及。安知其無。溫公
動容而服膺。自此敬佛。溫公手書一卷。心

濂溪二程皆理學大德。何
以為佛法中人。又以溫公
孟子之言。為晦庵所遺。程
言通鑑易傳為最公。程子
不排佛之証據。狂瞽悖戾
之語。噴噴下已甚。處可證
之。

經贈僧復題其後云。退之排佛而稱大顛。
外形骸以理自勝。且胸中無滯礙。由是觀
之。於佛不為無得。而所排者跡耳。已而元
城曰。溫公老先生深知佛法。所以資治通
鑑。未始排佛。溫公著大同集解。禪偈古文
孝經旨解。潛虛擬太元等書。皆正直之辭。
斷無排佛之語。文公家禮所註。溫公之語。
虛架而無根矣。濂溪二程是佛法中人爭

夫溫公程子之言。皆有可據。並非晦庵所為。且晦庵排佛。真用已說。未為不可。何必捏造乎。此處屢言溫公程子之言。為晦庵所造。妄誕之極。

易傳之佳。謂出於濂溪。信然。昔云得東林禪師之意。

肯排佛。溫公程子排佛之言。顯是晦庵所造。載於二家名下。以為自己排佛之本也。道餘錄收二程子排佛二十八條。晦庵排佛二十一條。總是晦庵胸中所蘊。不是程子見識。程子苟存此見。爭能著易傳耶。晦庵之學。直接程子。第程子在晦庵前。程子之言。傳之已久。豈待晦庵為之耶。至謂程子苟存此見。便不能作易傳。更屬大謬。蓋易傳。若謂排佛。即不能作。易傳。豈易經。為佛所說耶。悖謬之見。狂瞽已甚。易傳

則不然也。程子得先聖之
微。而肉子之義。乃易通
自無一語。及神非無一語
及中。則也。謂程子為。謂中
性之出。於何。據於何
而。說無。謂。其。先。時。其
又。謂。溫。公。程。子。不。肯。排
佛。而。謂。其。佛。可。微。大。通。佛。
在。其。有。扶。之。義。易。傳。上。所
載。其。二。俱。與。神。教。無。別
何。謂。其。為。不。排。佛。之。徵。也。
晦。庵。與。溫。公。程。子。皆。一。脉
一。派。何。為。指。其。名。德。乎。
西銘並無排佛之語。正蒙
中。雖。有。言。及。釋。氏。之。處。然

辭理俱勝不失東林總禪師濂溪周元公
口傳心受之意一摸脫出渾無睽舛未嘗
有此僻隘之心溫公程子不肯排佛通鑑
易傳良可徵也晦庵非惟曲排佛法抑亦
曲指溫公程子損其名德也曰程子排佛
之語出於程子文集豈是晦庵所造曰橫
渠與濂溪同問道於東林總禪師今來橫
渠西銘正蒙二書皆有排佛之語二書皆

皆實為張子之書。人皆知之。因其有排佛之語。遂謂非張子所作。而為晦庵打點。此言大謬。從來文之筆各有不同。朱子之文。不可為張子程子之文也。且晦庵既排佛。即自具一書。未為不可。何必冠以張子程子之名。以為柄據乎。

是晦庵打點。并加註語。集為朱子成書。西銘正蒙排佛之語。未必出於橫渠之口。多出晦庵之筆。程子文集排佛之語。同此籌也。橫渠與周子同問道於東林。性理羣書等。又謂橫渠問易於程子。噫。橫渠年雖少於周子。亦是同時人也。何不問易於周子。却問易於程子。此或實事。亦未可知。或是後人欲尊程子。矯立此事。亦未可知。

橫渠若言

不知景隆從何處誤
為晦庵之語。

與周子同問道於東林。更謬按宋儒周子
最先。程子乃其門人。橫渠與程子同時。年
不相若。而曰同問道可乎。已而凡著書者
臆斷時之先後。更為可笑。遂為實事。豈不見晦庵凡造語。要人信伏。
互引此事。汎而說之。是以此事遍於羣書。
便指為程子所說。嗚呼。證龜成鼈。此之謂
也。曰。何由知為晦庵之語乎。曰。言語若認
不出。何以知人乎。曰。既謂知人。濂溪何人
也。曰。履德君子也。故無昧佛之言耳。曰。誠

知人矣。夫溫公正人君子。二程子慎德君子。吾知三子不肯謗佛。如保曾參不殺人。也。通鑑易傳。誠為證據。

溫公程子排佛之語。載於文集語類中。皆確有可據。非晦庵之言也。資治通鑑。自漢明帝永平八年佛法初入中國。嗣後凡帝王之崇尚佛教者。皆據歷代史冊直書其事。而溫公雖無評論其非。亦無稱讚其是。

易傳。係程子發明易理之書。與佛法毫無干涉。空谷景隆。屢引此二書為溫公程子不排佛之證據。引證不倫。狂瞽悖戾之談。反覆言之。嘵嘵不已。如犬吠蛙鳴。甚屬可厭。可惡之極。故又書此。

曰。晦庵非惟排佛。抑亦排老。此復何如。曰。其於老子之教。初無干涉。故不欲排老。若獨排佛。則有譏議。故以二教同而排之。謂

史記乃司馬遷所作。
非相如也。其言相如
所述甚屬錯誤。

為排詆諸宗。扶樹儒宗而已。曾不知天生
三教。推不向前。捺不向後。為世模範。不可
無也。如太空之有天地。非天地則無覆載
也。曰。或謂佛學為九流之墨家。然否。曰。子
胡不知也。九流載於史記。漢武帝時。司馬
相如之所述也。此時未有佛法。言墨家者。
墨翟也。墨以行事為教耳。佛以大道為教。
統天地三教之極祖也。惜相如之不遇乎。

遇則推尊而尚之。必有可觀者也。曰佛有
兼愛。近乎墨也。曰慈悲喜捨。佛之德也。豈
是溺情汨志之愛乎。慈悲之愛者。德也。溺
情之愛者。私也。韓昌黎曰。博愛之謂仁。此
流於情而混淆也。孔子曰。博施於民而能
濟衆。必也聖乎。孟子曰。惻隱之心。仁之端
也。孔孟非溺情汨志。亦非真妄混淆。故可
與慈悲之愛相表裏。嗚呼。儒宗以綱常為

先明道兼之。釋宗以明道為先。綱常兼之。衆人觀之。似乎不同。達人觀之。而實同也。夫既慈愛於衆。以及鳥獸昆蟲者。豈不忠於君。不孝於親。不修道德。不弘仁義乎。凡如是者。未之有也。

曰。晦庵所惡。虛無寂滅之教。新安陳氏曰。老氏虛無。佛氏寂滅。此說何如。曰。虛無寂滅。有權實二義。以權言之。則虛無寂滅。是

空幻之語。凡夫執有小乘。執空中。乘執不
有不空。大乘當體即空。不墮衆數。妙有非
有。真空不空。不立一塵。不捨一法。縱橫逆
順。法法全真。是故大覺世尊。為破凡夫之
有故。乃曰。此身虛幻。令心寂滅。為破小乘
之空故。乃擇其陷於解脫深坑。令求出離。
為破中乘之不有不空故。乃責其縛於幻
有。令求大乘。此皆善權方便之術也。以實

言之則虛無寂滅。是萬有之母。出生天地
人物。動植飛潛。而至萬法者也。佛教曰。從
無住本。立一切法。乃至無有少法可得。然
燈佛為我授記。老子曰。道可道。非常道。名
可名。非常名。無名。天地之始。有名。萬物之
母。常無欲。以觀其妙。常有欲。以觀其徼。孔
子曰。易無思也。無為也。寂然不動。感而遂
通天下之故。非天下之至神。其孰能與於

聖人之旨。靜即含動
之理。非虛無寂滅也。
動即顯靜之藏。非出
生萬有也。儒者聖賢

此禮曰。無為而物成。是天道也。子思子曰。
上天之載。無聲無臭。三教聖賢之旨。皆是
真常寂滅。真空不空。初無少異。佛說生滅
滅已。寂滅為樂。蓋令空其妄情也。夫天地
人物。以及萬類。皆一氣展縮。初無間然。展
而為陽。縮而為陰。陰極而陽。陽極而陰。靜
為陰基。動為陽體。靜極而動。動極而靜。靜
即虛無寂滅也。靜極而動。動即虛無寂滅。

之旨。並無真空寂滅
之說。此又推釋而附
於儒家。晦庵本是不
欺。為是說者。毋乃自
欺其心乎。

中出生萬有也。晦庵讀佛書。可只見得破
凡夫方便語乎。可是不識虛無寂滅。是萬
有之母乎。可是不識三教聖賢之旨。皆是
真空寂滅之理乎。可是自欺其心。持爾曲
說疑誤後學乎。所以惡佛老為虛無寂滅
之教也。其脫於大理。豈小小哉。

孔子作春秋。太史公作史記。班固作西漢
書。范曄作東漢書。陳壽作三國志。唐太宗

作晉書。李延壽作南北史。魏徵作隋書。劉
昫作唐書。司馬溫公。少微。江公。皆作通鑑。
鄭夾漈作通志。馬端臨作文獻通考。揭傒
斯作宋史。李燾作宋鑑。曾子野作史略。宋
景濂作元史。皆以天地之心為心。是曰是。
非曰非。不存私意。諸君史筆。如秉龍泉太
阿。殺人活人。無偏無黨。佛法大道也。可尚
不可排。苟或可排。則太宗諸子已排之矣。

奚待後世。擅其已意者。曲排之也。

歷代史書。余雖未及徧閱。前人已有評論。其是非者矣。豈可比於孔子之作春秋。今無庸一一引證。只摘錄其顛倒尤甚者論之。按通鑑綱目。漢獻帝建安四年。書劉備起兵徐州。討曹操。操遣兵擊之。五年春正月。操殺車騎將軍董承。二十三年春正月。少府耿紀。司直韋晃起兵討魏王操。不克。

死之。二十五年冬十月。魏王曹丕稱皇帝。
廢帝為山陽公。昭烈皇帝章武元年夏四
月。漢中王即皇帝位。嗣書丞相亮伐魏。凡
六次。乃陳壽作三國志。董承。耿紀。韋晃。俱
書謀反。伏誅。丞相亮伐魏。俱書蜀諸葛亮
入寇。以篡賊為正統。以討賊不克死之者
為謀反。伏誅。以討賊為入寇。憑臆論斷。任
情反覆。滅盡天理。喪盡良心。真亂臣賊子

之徒。其所著述。得罪名教。後世歷代纂弑。
相仍。恬不為非。皆陳壽之作俑也。惟朱子
綱目。起而正之。其有功於世道人心。實非
淺鮮。真足繼春秋之志矣。景隆乃謂諸家
之史。皆以天地之心為心。殊屬顛倒悖謬
之極。又

聖祖仁皇帝論修明史。

聖諭有云。史官舞文杜撰。顛倒是非者。概難

唐太宗時雖有譁經
建寺之事然無害於
國政非如梁武帝之
溺於佛教也安用諸
臣之力諫乎

憑信元人修宋史明人修元史至今人心
不服議論多岐者豈非前鑒耶是宋元二
史已有不公之論何以言諸君史筆如秉
龍泉太阿殺人活人無偏無黨也

唐太宗篤志尚佛迨無加矣元奘法師沒
世之日高宗顧左右曰朕失國寶矣輟朝
三日若謂二帝泥於佛法然則房元齡杜
如晦魏徵虞世南褚遂良李靖董常諸公

明皇肅宗宣宗俱未見其
尚佛尤甚。惟代宗溺於佛
教。作孟蘭盆。送僧入寺。
高座。講經。仁王經。翻
冊所識。又何足稱讚乎。
宋太祖太宗宣宗仁宗亦
未見其尚佛尤甚之事。但
人記載語錄中。祖有太

何不力諫。益為君聖臣賢。咸知佛法正大
之道。其有補於政化。善利於人。所以同遵
尚也。凡造寺譯經。所有記序。若非御製。則
係房杜魏虞諸公所作。其文章之謹嚴。敬
佛之誠篤。可謂至矣。元宗肅宗代宗宣宗
尚佛尤甚。代宗指南陽忠國師曰。國中無
寶。此僧乃國寶也。宋朝太祖太宗真宗仁
宗諸聖。尚佛其尤甚焉。相國韓公琦侍郎

仁宗之問。下道儒兩之
事。非能於佛教也。
明教意。律師。其學問
文章。因當時僧人中
之辭出者。然而韓琦
歐陽修等諸人。亦不
滿其與之往來耳。非
見有敬佛。尤甚之者
也。

歐陽修。張端明。祕書關彥長。章表民。員外
郎陳舜俞等。未讀佛書。未知敬佛。逮乎明
教嵩禪師。并鐔津集一出。無不歛衽迭稱
讚曰。不意僧中有此耶。非惟空宗通。亦乃
文格高。良史之筆。大公之道也。諸公自此
敬佛。後有好佛之甚者。禮曰。雖有嘉穀。弗
食。不知其味。雖有至道。弗學。不知其善。是
故學然後知不足。教然後知困。知不足。然

後能自反也。知困然後能自彊也。豈不其然乎。自晉以來。謝安石才德之量。經綸之手。孰能加焉。王羲之識量高古。才思逸羣。孰能加焉。陶淵明性情之正。去住之高。孰能加焉。謝靈運風規瀟洒。文章之精。孰能加焉。崔公羣相天下。而天下賢之。孰能加焉。衡陽龐蘊識見之高。道學之勝。孰能加焉。裴晉公樹大勲業。著於盛唐。孰能加焉。

所製歷代諸人。固屬
難能。然亦能高出
前之上乎。

顏魯公。具大節義。文章書法。孰能加焉。相
公裴公休。文章之古。道學之至。孰能加焉。
二蘓子。黃山谷。儒學之至。禪學之勝。孰能
加焉。陳忠肅公。道學政事。高識美德。孰能
加焉。狀元王日休。博學智識。高明正大。孰
能加焉。未暇廣而論之。略言此諸名賢。篤
志尚佛。天下孰不知之。此諸名賢。道德明
敏。豈不逮於後世排佛之人乎。蓋為意誠。

後人之敬晦庵。以其所註之書。皆足以明聖道也。豈註書之人。學者即敬之乎。心病二字。屢屢言之。却又指出。景隆欲排晦庵。而又不能言其心病何事。語同隱謎。鄙陋之甚。

問此而答彼。所答不符所問。令人不解。其是何意見也。

心正。公而無私。重於佛聖人之至道也。晦庵多註書。故後學敬之。矧不識其心病。故不擇其言。皆從其說也。

曰。六經孔孟等書。論道論仁處。論心論性處。晦庵所註。契於聖賢之心否。曰。曲排佛法之言。輒為辯明。一二而已。自餘未暇論之。況各家註書。各據所見。仁者見之。謂之仁。智者見之。謂之智。後人或宗於此。或宗

浮辭泛論。喋喋不已。
與所問毫無交涉。殊
爲可厭之至。

於彼各因氣運變化。隨人氣量之所取也。
寧用問焉。且如臯陶賡歌於前。孔子刪詩。
於後。變為騷。變為選。變為律。與夫歌謠吟。
頌等體。漢魏尚高古。晉宋尚雅淡。唐人尚
音律。宋人尚性理。此亦氣運之變化也。毛
詩三百篇。多有窮夫窮婦之所作。其言簡
理備。後世愛不可及。彼窮夫窮婦。豈因二
十年讀書學力之所至乎。蓋為氣運生而

李杜亦唐人也。此云有愛李杜者。愛唐音者。豈以李杜為非唐人乎。語大有病。

然之也。元人謂宗於唐詩。非於宋詩。豈宋詩果不逮於唐乎。豈元詩果能逾於宋乎。在人好之惡之而已。李杜長於意。唐音重音律。有愛李杜者。愛唐音者。愛平淡者。愛奇崛者。嗚呼。孰為是乎。孰為非乎。人之氣量不同。爾苟執於小節。失於國風雅頌之淳。溫柔敦厚之實。或迷於離巧麗辭。而外乎情性之正。如是言詩。言之奚益。書曰。詩

問註書而此處又若
以作詩更屬可厭之
極

言志心之所之既失其正形之於言安得
其正焉故學不可不求其正也道不可不
求其大也曰余問註書師何以引而不發
而言作詩二者皆隱然而未詳何也曰詳
備言之則露筋骨選詩補註劉坦之謂李
太白詩狂簡不逮杜公坦之惟識杜公之
學未識李公之學李公已到化而神妙之
地其辭章富麗奇偉奔騰澎湃者才力自

識見之未至。妄譏先達之所長。得罪於天地乎。此妄說之咎也。數語。是景隆自供歎也。既知此。何以誣謗晦翁。曉曉言之不已乎。

晦庵謂剝燒春磨。皆有形質之物也。人形既朽滅。則有形質之物無所施。非謂人無神識也。

然所謂國清才子貴。家富產兒嬌。豈工於造作雕琢。闢飭而然耶。區區後學。安可窺測其涯涘哉。嗚呼。識見之未至。妄譏先達之所長。得罪於天地乎。此妄說之咎也。余知此咎。是故隱然。

晦庵既惡虛無寂滅。又言死者形既朽滅。神亦飄散。雖有剝燒春磨。且無所施。此則虛無寂滅。至於空蕩無歸矣。且如有人卧

此武林。乃有形質之身。
夢居金陵。乃無形質之神。
此已獨知之。而他人不見。
也。此醒時。形質之身如。
此。何曾有夢居金陵之神。
識乎。豈可以死比擬之哉。

豈有二身乎。

於武林。夢居金陵。與彼親友同席飲食。是
時。惟知有此飲食之身。不知亦有幻身卧
於武林也。夢飲食者。神識也。亦名精魂也。
凡人思善思惡生死不絕者。即此神識也。
死者受苦。剉燒舂磨。即此神識也。人死後
不滅。然非有形質也。既無形是時。惟知有
質。則剉燒舂磨。何所施乎。此受苦之身。不知亦有幻身死於人間也。
如彼夢飲食者。不知亦有幻身卧於武林。

神識雖不消滅。豈有形質乎。若有形質。是人有二身也。焉有此理。○房屋將傾。屋中之人先出屋外。固無損也。若人死後。縱然神識不滅。此不滅之神識。豈另有一形質之體。出於此身之外乎。安可以房屋比。

也。當知幻身猶房屋也。神識猶屋中之人也。人既出之。不顧房屋。神識既出。不顧幻身。晦庵所謂形既朽滅。神亦飄散。雖有剉燒舂磨。且無所施。是則惟見幻身生滅。不知神識不消滅也。是猶惟知房屋傾頽。不知屋中之人先出屋外。渾無損也。此不消滅之神識。隨業受報。出殼入殼。或苦或樂也。不知之者。神識莽蕩。茫然無歸。神識尚

書紅金勝篇所言。正
見聖人死而不亡。精
神昭於天地。與晦庵
之言正並行。而不悖。
何謂其情經旨乎。景
隆中解此理。亦拘泥
之至。

爾。况欲明佛性乎。非惟不契佛經。抑亦深
悖書經之旨。金勝曰。武王有疾。周公為三
壇。告太王。王季。文王曰。惟爾元孫某。遘厲
虐疾。若爾三王。是有丕子之責于天。以旦
代某之身。予仁若考。能多才多藝。能事鬼
神。若據晦庵所謂。雖有剉燒春磨。且無所
施。則周公代武王之死。形亦朽滅。神亦飄
散。雖有多才多藝。亦無所存。將何以事鬼

歐陽永叔跋韓子外傳之言。余於澄觀堂隨筆四集中已論之矣。茲無庸再述。歐陽修素不信佛。與韓愈同。韓愈見大顛後。仍有謗佛之語。見於與孟簡書。歐陽修見明教後。亦未必即有敬佛之心也。

神乎。三王亦將何以受周公之告乎。曰。史書通鑑。師既論之矣。歐陽修唐書五代史。何不言之。曰。歐陽永叔為史之時。未見明教嵩禪師。是以書史亦無敬佛之意。及見嵩師之後。始有敬佛之心。故跋韓子別傳曰。余官瑯琊。有以退之別傳相示者。反覆論誦。乃知大顛蓋非常人。余患浮圖氏之盛。而嘉退之之說。及觀大顛之言。乃知子

考之史冊。宋十六代
上。俱未見有尚佛教
之事。何以言宋十六
主。聖尚佛乎。

宋主本無尚佛之事。
無可收也。收尚老。
幾議其過。非顯揚其
是也。

厚不為過也。此時歐之書史已行於世矣。
故不言也。曰。陳子絰宋鑑。何不言之。曰。宋
朝一十六王。合三百十七年之有天下。聖
尚佛。身為帝王。心為佛祖。傾誠至矣。或
時敬老子者。暫爾而已。宋時並無崇奉佛
教之事。自真宗以
宰相兼景靈宮使。嗣後大臣官員多有兼
領宮觀者。終宋之世不改其制。此非代代
奉道教乎。何以言聖尚佛。或時敬奉惟
老子者。暫爾而已。殊屬顛倒錯謬之極。
徽宗信於林靈素之言。後從老子。子絰不

揭氏宋史。李氏宋鑑。曾氏史略。余俱未見其書。宋主尚佛之有無。不可得知。若果有其事。則明成化時。修通鑑綱目續編。凡真宗之供奉天書。建立宮觀。徽宗之崇尚道教。皆無不記載。何無一言及宋主尚佛之事乎。

宋時並無尚佛之事。乃曉曉言之不已。元時世尊尚佛教。載在史冊。佛祖通載中亦多有記載其事。而景隆何無一言及之乎。不知是何意見。更屬顛倒之

叔宋主尚佛。惟叔尚老。爭奈揭氏宋史。李氏宋鑑。曾氏史略。皆叔宋主尚佛。行在天。下。孰能掩之。劉向序戰國策曰。史氏之法。具記一時之事。辭善惡必書。初無所決擇。劉向可謂知春秋之意焉。夫執筆者。當以天心為心。庶不悖於天理。不誤於後學。烏可倚靠一人半人之心為心。而失天地無私之理耶。嗚呼。佛之道何如哉。老之道何

世相佛老。晦庵誠有過當
之言。但其生平著述。于
蓋。皆教人去惡從善。何
者。凡人之善念。何有消人
之惡。乎。況儒自為佛。釋
自為釋。何妨並立。天胡為
相。其說乎。緇橫謬戾。其
斷於斯。

如哉。余編尚理編。稍亦言之矣。其有明理
者。自識大道之深淺。余不復言也。晦庵排
詆佛老。筆於書中。其來二百餘年矣。沮人
多少善心了也。沮人多少陰德了也。日後
天地氣數。翻變其說。亦未可知。姜漸序其
鑑曰。子經取法乎晦庵綱目。嗚呼。既宗晦
庵。只合以佛老同一致也。胡為抑佛而揚
老乎。此又晦庵之罪人也。日後或有公而

佛教之事。故不記載。
若果有奉佛尤甚之
事。亦必記載。譏議其
失矣。何以爲抑佛而
揚老子乎。

凡史冊所書帝王之
崇尚佛教。皆譏議其
過失。無稱揚其善者。
本無尚佛之事。無可

無私者。惡其偏見。鳴鼓而攻之。亦未可知也。曰。卯石南著書何如。曰。長邑伯者。區區好事人耳。石南藉邑伯之威而行文藝。故屈節稱爲邑伯之徒。以此爲立身之計也。凡操文筆。依傍晦庵之意。初無超出晦庵之意。所著之書。依傍陳子經宋鑑之意。亦無超出子經之意。故亦不收人主尚佛也。噫。子之所問。姑置之。吾亦有所問焉。水母

書也。皆實有之。亦必書矣。

按此語見列子。當時佛法尚未至中國。不知孔子何所指也。若言托夫子之名而尊

以鰕為目。凡得鰕輒行之。言其行也。雖旦至暮。不逾一里之遙。或失鰕則茫然罔措。鰕鮒以蟹為足。凡倚蟹則行之。言其行也。雖旦至暮。不逾三里之遙。或失蟹則茫然罔措。二物雖得目足之樂。有以異乎。無以異乎。曰。無以異也。既無異。可用知言矣。曰。孔子之時。佛法未至中國。孔子知有佛法否。曰。孔子曰。西方之人。有聖者焉。不治

之者是矣。當時似已有佛學。甚不然也。列子。周末時人。漢明帝以前。無一人知西方有佛者。列子何由知之乎。余意謂。此蓋晉宋齊梁間人所作。入於列子書中。假孔子之言。以尊崇佛法也。

漢明帝以前。佛教尚未入中國。中華之人。不知有佛也。孔子雖聖人。亦何以得知佛。

而不亂。不言而自信。不化而自行。蕩蕩乎。民無能名焉。庸齋林先生曰。此章似當時已有佛之學。托夫子之名而尊之也。西方之人。出於三皇五帝之上。非佛而何。然則佛之書入於中國。雖在漢明帝之時。而其說遍傳於天下久矣。不治不亂。不言自信。不化自行。此三者。實太古之聖道。孔子發明此道。而無私心。惟此一節。亦足以見孔。

子之聖德也。佛法苟非大道。則孔子已指其非矣。安得稱為聖乎。佛法教人為善。沮惡之言。與三綱五常。若合符節。實為世人之福田。明道之大本也。陰翊皇度。補於政化之功。可謂至矣。前宋文帝曰。適見顏延之。宗炳著論。發明佛法。甚為明理。並是開獎人意。若使率土之濱。皆感此化。朕則坐致太平矣。臣何尚之奏對。其略曰。佛法教

人為善也。世人能行一善，則去一惡。去一惡，則息一刑。一刑息於家，萬刑息於國。則陛下之言，坐致太平是也。然佛法能為國家省其刑獄，又如此也。唐書曰：雖為異方之教，無損於理之源。韓愈詆排佛老，其道未弘。柳子曰：佛經與易論語合，不與孔子異道。雖聖人復生，不可得而斥也。孝宗曰：佛之五戒，即五常也。仲尼之道，夫何遠之。

有。如。上。等。語。固。合。天。地。之。心。公。而。無。私。也。
曰。師。謂。佛。法。教。人。為。善。省。其。刑。獄。曾。不。知。
僧。亦。有。過。而。煩。於。刑。獄。也。曰。三。教。聖。人。之。
道。未。始。不。以。善。法。教。人。後。世。以。法。壞。法。者。
未。免。有。之。安。得。人。人。同。一。制。也。是。故。不。可。
以。人。之。不。善。而。責。聖。人。之。教。焉。汝。之。所。見。
如。禾。之。不。穫。而。責。后。稷。之。教。耕。也。藥。之。不。
効。而。責。盧。扁。之。教。醫。也。且。夫。廢。耕。可。乎。廢。

佛法未至中國。中華之人不知有佛也。孔子何由而聞佛之道乎。既言孔子不見佛。指佛何法為異端。何以

醫可乎。是亦未思之甚也。

曰。論語曰。攻乎異端。斯害也矣。或指佛老為異端。此說何如。曰。異端者。雜學也。孔子謂習於雜學。則害於正道之學。直言而已。且無蘊奧。何以拘直為曲乎。孔子存時。佛法未至中國。孔子惟聞佛之道德。故稱西方有聖人。漢明帝時。佛法纔至中國。孔子已沒六百年矣。是故孔子不見佛法也。既

人謂孔子指佛為異
人謂孔子指佛為異

不見佛法指佛何法為異端乎。佛法既為
異端。孔子何以指佛為聖人乎。老子既為
異端。孔子何以言曰。老聃博古知今。則吾
師也。是以博問老子之後。傳誦其語。以示
門弟子焉。晦庵非惟曲排佛老。亦悖孔子
崇尚佛老也。後世指佛老為異端者。圖掩
其德。設此逢蒙之計也。後學自無所燭者。
未免隨人指呼。效而言之。喚鐘作甕也。一

朝學到李屏山。林希逸。而至景濂。大章。諸公之地。自能識破矣。夫佛老者。道學也。指道學為異端者。其為智乎。不智乎。其為善心乎。瞞人乎。汝亦理學者。猶未識破也。曰。僧也不耕而食。不蠶而衣。豈不坐消民利。而減其福積乎。曰。三教九流。而至百氏之家。皆係天地使然。資其所宜。致有之也。天生其人。亦生其祿。貴賤貧富。數已定分。

天理之力大而無敵也。密而行之人不可見。豈人力能奪天理之力乎。其可轉移者。有曰。皇天無私。惟德是輔。中國為有三教聖人。道德仁義之學。故名大國。傳繼伏羲神農。黃帝。堯。舜。禹。湯。文。武。周。孔之道。特立於天地間。是為中國也。苟無三教聖人之學。則與蠻貊之邦。何以別焉。三教之子。互相排擊者。如廉頗忌於藺子也。達人大觀。

三教通行者。如蘭子不肯兩虎共鬪。而克
樹國家之大本也。曰。道德仁義之學。吾儒
已備。何待佛老而後滿乎。曰。道有所司。汝
未知也。孔子之道詳而文。老子之道安而
謙。吾佛之道大而密。三教聖人各丁其時。
出以救世。烏可凡情妄窺測也。漢牟子曰。
書不必孔丘之言。藥不必扁鵲之方。合義
者從。愈病者良。子貢曰。夫子何常師之有。

此之謂也。

曰。孔子曰。身體髮膚。受之父母。不敢毀傷。孝之始也。孟子曰。不孝有三。無後為大。僧之去髮毀形。絕其所嗣。亦悖吾儒乎。曰。孔子取之仁義。不特取之以跡。泰伯遜國而之荊蠻。斷髮文身。孔子稱其至德。未嘗言其不孝。伯夷不娶而之首陽。孟子稱其聖之清者。未嘗言其不孝。吾徒為法忘身。而

取大義也。何以報四恩。度生死。可以弘善道。開來學。豈不資於大化乎。伊尹放太甲於桐宮。以跡言之。則伊尹滅身有餘之罪。理不可逃也。以義言之。則致太甲密邇先王陵墓。而生善心。令自悟也。及其既悟。奉歸於亳。諸侯歸之。以垂萬世無疆之休也。如此巧設方便。匡成厥德。始知伊尹功烈其大矣哉。至於微子狎狂。比干剖腹。豫讓

此一節。千八百餘言。
曉曉不已。殊屬可厭。
之極。

吞炭。介子焚身。經史稱其仁義。未聞言其
不孝。是故取之以義可也。取之以跡未可
也。孟子曰。子莫執中。執中無權。猶執一也。
斯言善矣。

曰。韓子上佛骨表。作原道。排詆佛老。是故
推其有功於吾儒。師謂不可排佛。似不佞
矣。曰。韓子文章雄健。以之為功。排佛何足
推為功也。此時尚書孟簡。于頔。李翱等。豈

佛法至中國。曾經魏
太武。周武帝。唐武宗
滅之。不數年而復大
興。可見滅佛法之不
易也。以三朝帝主。尚
不能滅。韓愈不過一

為無才德。而不能排佛乎。蓋為識法者懼。
故不為也。言佛之道無權勢。惟以修道尚
德為任。其感格天地。帝王名公賢宰所推
尚者。天道自然。豈求之而得也。言不執權
勢。凡欲排者。任彼排之。況佛法之權在乎
帝王臣宰之手。欲抑之。欲扶之。猶握拳展
掌而已。豈為難乎。此時韓子為刑部侍郎。
而亞卿之權。益亦重矣。排此無權無敵之

刑部侍郎身如何即
能任職乎理何言滅
之其也乎外屬不紅
之說也
余又有批駁之語之
其於卷末
以下所論更屬可厭

道。豈為難乎。周公輔成王。而王天下。可謂
難矣。可謂功矣。管仲相桓公。一匡天下。可
謂難矣。可謂功矣。毛遂一出。力拒楚王之
威。遂令楚王與平原君。歃血堅盟。定其利
害。合楚魏之兵。以平強秦之戰。致使趙國
重於九鼎大呂。可謂難矣。可謂功矣。藺相
如歸璧於秦。力命秦王擊缶。以配趙王之
瑟。二者皆以盡忠為心。不顧自身。有逆龍

鱗奪虎食之險。可謂難矣。可謂功矣。魯仲
連寸刃不施。一言之下。卻退秦兵。以息伐
趙之患。可謂難矣。可謂功矣。文中子進策
於隋。不能用。捲而東歸。續詩書。正禮樂。修
元經。讚易道。九年而六經大就。中說十卷
脫類論語。其智識也明。其處心也正。其進
退也宜。其門人也。皆有王佐之才。夫如是。
可謂難矣。可謂功矣。房元齡佐輔唐太宗。

定天下。不矜其功。而善歸人。亦可謂難矣。
可謂功矣。魏徵危言危行。諫爭太宗。或有
未思之誤。匡而定之。可謂難矣。可謂功矣。
排佛誰不能之。牧兒竈婦。皆能排佛。何必
謂之功也。既謂韓子排佛有功。汝亦何不
效而排之。苟排之。吾亦無阻。晦庵排佛。筆
於書中。亦無阻者。晦庵排佛之計。有受惑
者。有不受惑者。李屏山而至徐大章等。是

此處引昌黎外傳大顛禪
師之語。以為韓子悔過。自
此敬佛。深好禪學。又舉韓
子與大顛三書。見其深信

不受惑者。嗚呼。吾佛之道。繫乎天地。豈屬
世人之凡情乎。曰。師謂不可排佛。又言凡
欲排者。任彼排之。自相矛盾耶。曰。言不可
排者。公論也。排則悖於天地之心。損乎陰
德。余特憫而救之也。或不受救。一任排之。
余無阻也。韓子為負英俊。有過不復三思。
勇心排佛。及見大顛。勇心自息。然後深味
禪學。前之排佛。蓋是不知而誤為也。後人

佛法之意。夫昌黎外傳之言。亦曾於隨筆四集中已論之矣。茲無庸再述。其與大顛書。亦不過性來人情之通。何遽謂之信服也。况尊陸既言昌黎見大顛後。信佛法。何以又錄昌黎與孟簡書。仍不信佛法之語於後。無乃自相矛盾乎。

以禪學性理著書立言。然後反行排佛。此是知而故為也。冥冥之中。各有前程之定理。韓子上佛骨表。憲宗皇帝大怒。將以詆死。裴度崔羣等上言哀請。乃貶潮州。聞郡之靈山寺大顛禪師。道德名重。三以書請。其一曰。韓愈啓。孟夏漸熱。惟道體安和。愈。弊劣無謂。坐事貶官。到此盛聞道德。切思見顏。昨到來未獲。叅謁。已帖縣具人船奉。

人皆知之者。宋儒未曾深究佛理。故有排佛之論。非知而故為也。何以又有以禪學性理著書立言。而反排佛。是知而故為也之語。殊屬謬論。

余閱昌黎全集。見有與大顛三書。分行細字考証中。有以三書為偽作者。又有言決為韓公之文。非他人所能作者。各以己之臆見言之。俱不可為定論也。

迎日夕佇瞻。四月七日。愈上大顛禪師。其二曰。愈啟。海上窮處。無與語者。側承道高。思獲披接。專特有此咨。屈此旬。晴明不甚熱。倘能乘閑一至。實為幸也。六月初三日。愈白。大顛禪師。其三曰。愈啟。慧勻至。辱答問。珍悚無已。所示廣大深迥。非造次可量。傳曰。書不盡言。言不盡意。然則聖人之意。其終不可得而見耶。如此而論。讀來一百

又有言昌黎外傳為
徐君平所作者。此亦

遍不如覲面對之。愈聞道無凝滯。行無繫
縛。苟無所戀者。則山林閑寂。與城隍無異。
大顛師論甚宏博。而必守山林。不至州郭。
自激修行。獨立空曠無累之地者。非通道
也。勞於一來。安於所適。道故如是不宣。愈
頓首大顛禪師。七月十五日。大顛至郡。留
數日。談論廓達。深有契懷。次日言及上表
謂佛為夷狄之教等事。大顛答之。其略曰。

道聽途說之語。非有
確實證據者也。余意
謂此蓋後人見昌黎
排佛之非。故作此外
傳假大顛之言。以詆
斥之也。

吾聞善觀人者。觀其道之所存。而不較其
所居之地。桀紂之君。跖蹻之臣。皆生中國。
然不可法者。以其無道也。舜生於東狄。文
王生於西夷。由余生於戎。季札出於蠻。彼
二聖二賢者。豈可謂之夷狄而不法乎。子
不觀佛之道。而徒以為夷狄。何言之陋也。
子必以為上古未有佛而不法耶。則孔子
孟軻生於衰周。蚩尤瞽叟生於上古。豈可

捨衰周之聖賢而法上古之凶頑哉子以
二帝三王之代未有佛而長壽也則外丙
二年仲壬四年何其夭耶子以漢陳之間
有佛法而人主夭且亂則漢明為一代之
英主梁武壽至八十有六豈必皆夭且亂
耶子謂儒有言仁義忠信而不知佛之言
常樂我淨無以異也子既未讀佛書安知
不談先王之法言耶昔者舜犬吠堯非愛

舜而惡堯也。以其所常見者唯舜。而未嘗
見堯也。今子常以孔子為學。而未嘗讀佛
之書。遂從而恠之。是舜犬之說也。佛之與
人子。言必依於孝。與人臣。言必依於忠。此
衆人所共守之言也。子今自恃通四海異
方之學。而文章旁礴。孰如姚秦三藏羅什
法師乎。子之知來藏往。孰如晉之佛圖澄
法師乎。子之盡萬物不動其心。孰如梁之

韓子既然悔過。自此
敬佛。深好禪學。何以
與孟簡書中。仍有排
佛更甚之語乎。

寶公和尚乎。韓子默然良久曰。不如也。大
顛曰。子之才既不如彼矣。彼之從事者佛
也。而子反以為非。然則豈有高才而不知
子之所知者耶。韓子悔過。自此敬佛。深好
禪學。其答孟簡尚書書曰。來示云。有人傳
愈近奉釋氏。此傳之者甚也。潮州有一老
僧。號大顛。頗聰明。識道理。遠地無可與語
者。故自山召至州郭。留十數日。實能外形

非求福田利益也之
下仍有排佛更甚之
語。景隆雖削去。然見
於昌黎文集。中。景隆
言見大顛後。自此敬
佛。深好禪學之語。將
誰欺乎。

歟。以理自勝。不為事物侵亂。與之語。雖不
盡解。要自胸中無滯礙。以為難得。因與往
來。及祭神至海上。遂造其廬。及來袁州。留
衣服為別。乃人之情。非求福田利益也。韓
子哭女詩并序曰。去歲自刑部侍郎以罪
貶潮州。小女道死。殯之層峰驛旁山下。蒙
恩還。過其墓。留題驛梁云。數條藤束木皮
棺。草殯荒山白骨寒。驚恐入心身已病。扶

舁沿路衆知難。遶墳不暇號三匝。設祭惟
聞飯一盤。致汝無辜由我罪。百年慚痛淚
闌干。韓子自上表至見大顛講談問禪。始
末詳備於韓子別傳。舊板韓文。陳休齋文
集。晁氏筆記。釋氏通鑑。佛法編年。佛祖通
載。稽古略。傳燈統要。金湯編等書。今輒引
其略耳。

柳子曰。韓退之排佛。佛不可排。不與孔子

楊雄人品不正。所著
太元亦未能見道。韓
子文起八代之衰。豈
反不如楊雄乎。其所
言悖戾已極。

異道退之學。儒未能過楊子。楊子之書。於
莊。墨。申。韓。皆有取焉。佛法反不及莊。墨。申。
韓。耶。曰。以其夷也。果不信道而斥焉。以夷
則將反貴惡來盜跖。而賤季札由余乎。非
所謂去名求實者矣。陳忠肅公諱瓘。字瑩
中。劍川人。公於宣和初奏議其略曰。用釋
氏之饒益。而天下莫與爭。用老氏之無為。
而斯民休息。釋氏曰。止止勿說。老氏曰。智

周子作太極通書乃
開易理之精微先聖

者勿言。孔氏曰：默而識之。此祖宗之躬行。
非有言之士所能議哉。公序集古錄引吾
宗棗柏大士之言曰：作器者必有樣。造車
者必合轍。古無今有之法。即是邪道。不可
學也。三復斯言。學道之要。不以古聖為樣。
皆外遊耳。有問曰：性理之說。古書皆不言。
千五百載後。獨周子言之。得非古無今有
乎。曰：否。特論者弗知考耳。性理之說。東林

之秘奧。而言其傳自東林。何所據乎。余固不謂東林之非。然禪自禪。儒自儒。何必牽周子入於釋乎。此說亦甚妄誕。

禪師授之濂溪。東林已前。各專已教。未能融會。皇宋已來。涯禪師倡之。始以其詞意發明易中庸之旨。非古無今有也。公早留心於禪學。為執聞見以求解會。未克發明。後叅靈源禪師。靈源曰。離却心意識而叅絕。却聖凡路而學可也。却被逼責無所用。心晝夜呆坐而已。偶於燕寂間。脫然開悟。述偈曰。書堂兀坐萬機休。日暖風和草自

幽。誰識二千年遠事。如今即在眼睛頭。公
有此省悟。故所論甚明。

漢人有曰。佛經者卷以萬計。言以億數。非
一人所能堪也。僕以為煩而不要矣。牟子
荅之。其略曰。江海所以異於行潦者。以其
深廣也。五嶽所以別於邱陵者。以其高大
也。麒麟不處苑囿之中。吞舟之魚。不遊數
仞之溪。剖三寸蚌。求明月之珠。採枳棘之

巢求鳳凰之雛。必難獲也。客曰。佛法至尊。世人多病。其廓落難用。虛無難信也。牟子曰。至味不合於衆口。大音不比於衆耳。作咸池。設大章。發蕭韶。詠九成。莫之和也。張鄭衛之弦歌。時俗之音。必不期而拊手也。夫聞清高而謂之角。非彈弦之過。聽者之不聰矣。見和璧而言之石。非璧之賤。視者之不明矣。牟子之言至矣哉。夫佛之道大。

此論是。余意謂。佛
人慈悲。斷無咒人令
死之理。若果有此事。
此僧之咒。乃邪術也。
故自敗。雖然。亦未可
必其有無。即如書經
武城篇。孟子尚有其
信書則不如無書之
語。何況後人之記載。
豈可信為實有乎。

而難入。有識者。有不識者。人之材器不同。
不足怪也。

祥符常禪師曰。嘗旣資治通鑑。稱貞觀中
有僧自西域來。善咒術。能令人立死。復咒
之令蘇。太宗擇飛騎中壯者。試之皆驗。因
以問傅奕。奕曰。此邪術也。臣聞邪不干正。
請使咒臣。必不能行。帝命僧咒奕。奕初無
所覺。須臾。僧忽僵仆。若為物所擊。遂不復

蘇。此必好事者。曲為之辭。何則。若使果有是。則僧非真僧。咒非真咒。正謂邪術耳。固不足以張吾教之疵也。而况斷無此理。向使彼自西域遠至長安。厥術能死人而復蘇。乃不暇自能衛其身。對常人無故而僵死。雖兒童莫之信也。又當是時。京城有大德僧慧乘。元琬。法琳。明瞻。諸公。其肯坐視偽僧破壞教門。不請峻治。乃留帝命傅奕。

前引符常禪師之
計其言已
古之矣。又安用
時。吃。為哉。

辨耶。佛制戒律。雖春蹊生草。猶不許比丘
踐之。恐害其生也。况肯說斷人命咒。傳於
世乎。故予謂好事者。曲為之辭。斷可見矣。
余謂常禪師言之當矣。太宗明君也。豈不
識破彼邪術乎。况貞觀之初。有道德高僧。
杜順和尚。等十餘人。續有三藏法師元奘。
清涼國師澄觀。南山律師道宣等。常居輦
下。太宗朝夕聚話。論道無虛日。諸師明通。

按此語舊唐書本傳
及通鑑綱目中俱有
之。

五眼學貫九流。擔荷佛法重任者也。何不
破除邪術。而容其馳玩乎。傅奕者。隋時為
黃冠。至唐高祖武德八年乙酉。從庾儉薦
為太史丞。後陞太史令。奕上疏排佛。前後
七次。帝皆不報。丞相蕭瑀廷斥之曰。佛聖
人也。奕為此議。非聖人者無法。請寘嚴刑。
奕乃力爭。瑀曰。地獄正為此人設也。是時
法師法琳作破邪論。明鑒作訣對八條。慧

乘作辯正論。秦王門下典儀李師政作內
德論。迭加進之。皆引大理證奕之非。高祖
大悅。於是奕䟽寢息。貞觀二年戊子。太宗
謂奕曰。佛道微妙。汝獨不悟其理何也。奕
曰。佛是西方夷狄耳。帝惡其言不答。自是
終身不齒。奕於貞觀十二年庚子秋卒。暴
而死。若謂邪不干正。則傅奕不識佛聖人
之大道。是不明也。叛老子之教。擅己私曲。

排佛法是無德也。夫如是安得為正人乎。此事了然可見。好事者粧點瑕疵也。春秋十二公合國之優劣。孔子不加增損。惟於片言隻字之間。抑揚而已。此握史筆之天理也。惜乎溫公不加詳審。輒聽訛傳。筆於文籍。後世檢點。理不可逃也。孔子曰。堯舜其猶病諸。而況溫公安得無失。晦庵乘此機。便指而言之。筆於文公家禮喪禮篇中。

致令後人不識真偽者。益滋於輕薄。凡欺
心。即欺人。欺人。即欺天。安忍為之也。君子
百行所進。殊途同歸。胡為汲汲然。以排佛
為事乎。嗚呼。佛法之大。包羅法界。佛法之
固。重於須彌。割亦無傷。撼亦無動。彼排之
者。徒自貽後悔於冥冥之中。千佛出世之
後。亦莫能解釋此結也。非惟害已。亦累祖
宗。悲哉。

易道也者。天地本然之理。然微伏羲莫能
畫卦。微文王莫能演文。微周公莫能定爻。
微孔子莫能翼象。至於繫辭說卦等意。然
後易道粲然明於天下。易道體也。畫卦用
也。三聖之言。兼體用而發明也。缺一聖則
易道不明。安可秉一聖之言。而棄三聖乎。
三教聖人共弘大道。同於此也。安可缺其
一焉。文中子曰。詩書盛而秦世滅。非仲尼

之罪也。虛元長而晉室亂。非老莊之罪也。
齋戒修而梁國亡。非釋迦之罪也。易不云
乎。苟非其人。道不虛行。或問佛。文中子曰。
聖人。文中子可謂知天地間三教之大體
也。至道冲漠。常情難測。理固然矣。宜乎晦
庵昧於佛老之道也。

楊墨以行事為政。無大道之法言。孟子非
之。公非也。後世效顰。曲排佛老。欲求孟子

之風較之霄壤。夫楊墨一行之士也。佛老
弘道聖人也。佛教曰。是法住法位。世間相
常住。老子曰。愛民治國。能無為乎。佛老何
常棄於綱常之道耶。三教聖人鼎立天下。
司大道之化權也。既不識佛老之道。是不
智也。曲排佛老。是不仁也。孔孟之學。教人
學仁義也。讀其書而遺其仁義。輒攻於文
藝乎。恃彼文藝。肆於己意。而至曲排佛老。

誤之甚矣。喪其心德。亦誤後學。諸人當自
省察而已。曰。理學類編。程子曰。釋氏之學。
極乎高深。要之率歸乎自私自利之域。此
說何如。曰。佛法以成道為體。度人為用。佛
於三千大千世界。無一芥之許。不是捨身
命。救人之地也。未能自度。先能度人者。菩
薩之心也。惟能自度。不能度人者。小乘人
也。是故常被佛責。令修大乘。世人不知佛

法。擅其臆說。可乎。不可乎。

曰。理學類編。程子曰。聖賢以生死為本分事。無所懼。故不論死生。佛之學。為怕死生。故只管說不已。此說何如。曰。世人識情繫縛。循環生死。莫之能已。佛說諸經。指而諭之。依法修行。悟明生死。豈是怕生死乎。世人只見幻身生死。不見佛性不生不死。不知生從何來。死從何去。設使欲知。亦無所措。

手。是以強說此言。修飾而已。大似不得飯
喫。強言不饑也。孔子曰。未知生。焉知死。又
曰。原始反終。老子曰。歸根復命。賈誼曰。化
為異類。王逸少曰。死生亦大矣。聖賢豈不
言生死耶。此章問端。與前章問端。若是程
子之語。則程子見識自納敗闕矣。若是後
人謬指程子所說。則玷辱之咎。其在後人
也。

按宋史本傳。熹年七十一。疾且革。手書屬其子在。及門人范念德黃幹。拳拳以勉學。及修正遺書為言。翌日正坐。整衣冠就枕而逝。晦庵大儒。生順死安。其臨終時。舒適

曰。近思錄。理學類編。北溪性理等書。皆以凡情度量佛法。乞師明辯之。曰。彼皆不識佛猜忌而已。世人心。測度佛聖人境界。不啻太空粟粒。天地毫芒。何足辯也。豈不見晦庵臨訣。困篤自悔。曰。到此時節。輸與黃面老子一著。自供款也。蓋欲遮掩心病。盡力攔住後學。不看佛書。意欲滅盡佛法。不顯露其心病。故作感興詩云。誰哉繼三

景況載在史冊。景隆
分捏此悲慘之語。不
知從何處得來乎。屬
言心病。卒不能指出
可笑可鄙。

聖。為我焚其書。噫。亦有不_○受欺瞞。攔不住
者。識破他矣。適之所謂希逸林公。黃文獻
公。景濂宋公等是也。惜乎後學被前人指
昧佛者。為道學之傳。不昧佛者。不為道學
之傳。如是籠住後學。不敢轉動。故不識抱
德明理。正人君子也。嗚呼。此之智識。欲望
林。黃。宋。公。何異污池之下。望蒼天也。苟不
能撤藩籬。於大方之家。破識情於真性之

仁人享帝。孝子享親。
悔庵愛見。豈虛設哉。
晦庵言形朽滅。神飄
散者。惟破受罪之說。
耳。以此牽合。頗覺不
倫。

府。不免區區縛於常人言語裏。

晦庵謂死者形朽滅。神飄散。然祭祀是誰
受饗耶。周禮禮記皆以祭祀為先。祭祀之
道。是虛設耶。宜省察之。

唐太宗早聞武后欲壞其成法。故欲殺之。
袁天罡曰。殺之則再生人世。怨怒愈深。太
宗然之。故令為尼。建立感業寺處之。貞觀十一年
武氏入宮時年十四。迨二十三年。太宗
崩時。武氏年方二十六。不過一宮人耳。無

權無勢。何以能欲壞成法。太宗又何以早
聞而欲殺之乎。妄誕無稽之談。不知從何
處聽來。余另有考証。天罡謂再生人世。怨
之語。書於此節之後。怒愈深。晦庵謂形朽滅。神飄散。兩家之言。
天地懸隔。孰是孰非。夫天罡明理之人也。
豈衆人可同日而語哉。

按通鑑綱目。唐太宗貞觀十一年。以武氏
為才人。故荊州都督武士彠女。年十四。上
聞其美。召入後宮。○二十二年。殺華州刺

史李君羨。太白屢晝見。太史占云。女主昌。民間又傳秘記云。唐三世之後。女主武王代有天下。上惡之。以武衛將軍李君羨。小名五娘。而官稱封邑。皆有武字。出為華州刺史。御史復奏君羨謀不軌。上遂誅之。上嘗秘問太史令李淳風。秘記所云。信有之乎。對曰。臣仰稽天象。俯察歷數。其人已在宮中。自今不過三十年。當王天下。殺唐子。

孫殆盡其兆既成矣。上曰：疑似者盡殺之。何如？對曰：天之所命人不能違也。王者不死。徒多殺無辜。且自今以往三十年其人已老。庶幾頗有慈心。為禍或淺。今借使得而殺之。天或生壯者。肆其怨毒。恐陛下子孫無遺類矣。上乃止。按此非太宗欲殺武氏。因袁天罡之言而止也。若太宗果知才人武氏即其人。何以殺華州刺史李君。

羨。又問李淳風。欲將疑似者。盡殺之。因李
淳風之言而止乎。且武氏亦非太宗出之
為尼。處於感業寺也。又按通鑑綱目。高宗
為太子時。入侍太宗。見才人武氏而悅之。
太宗崩後。武氏出為尼。居感業寺。忌日。上
詣寺行香。見之而泣。遂納於宮中。大幸。拜
為昭儀。云。景隆之記載失實。故考証批駁
之。

曰宋人謂雷擊者陰陽相激偶爾觸死非特然也此說何如曰驚蟄之後二陰在上四陽在下芒種之後五陽在上一陰在下既陰陽相激雷雨交作則合時時相激雷雨不停何故晴雨間然耶當知二氣交運如轆轤之輪互為上下若相激則安能發育萬物乎日月星辰風雲雷雨皆天地體用各有天神主之應時不忒故有祭天饗

地之理。風雨均調。蒼生善業所感。不調時。
惡業所感。非上天無慈心也。言雷擊者。永
樂二十二年。台州天封寺。維那士弘。為雷
打死。頃焉復甦之。自言死去見諸天神教。
誡曰。汝先世為巡檢。曲罪一夫。枉罹極刑。
汝能奉佛。故未償其命。後世為住持僧。將
常住銅錢。潛埋三窖。死後遂湮沒之。二世
罪。故今誅。惟今世奉觀音大士至誠。姑存

之後至宣德二年。溺水而死。浙右有人印
造佛天三界紙馬。開張店業。店屋楣間。平
鋪閣板。作卧室於閣上。一夜觸翻尿器。淋
滴污馬。仍將此馬晒乾賣之。本年從店中
提出此人。雷打死於門前。又一貧家夫婦
二人。有絕糧忍餓之患。夫携一鷺入市鬻
之。得米二斗。饑苦迫甚。以二升沽酒飲之。
回至中途。醉卧於地。被人竊去其米。及醒

悼惶歸家。妻知之。不勝哀苦。夫乃投水而死。妻曰。夫既死矣。我何存之。亦投水而死。明日天雷打死一男子。擲置於二屍之旁。書其背云。竊其米者此人也。松江有人為雷打死。書其背云。十年前與一婦人入寺登塔第二層行姪故誅。湖州一女子。雨中見諸官吏至門前。惟二人入其家。如世所畫天兵之狀。擒女之兄。雷打死於門前。始

知官吏是天神也。亦有雷打死者。家人以屍著衣。明日復雷。剥去其衣。亦有以屍置於棺中。明日復雷。揭去棺蓋。如是顯驗。每年有之。不復多引。此數端目擊耳聞者。恐辱其家人。故不言其姓名。夫是為天誅也。亦有蜈蚣。狐狸。蛇。鼠。精怪。木與物器。附托為妖者。雷必打之。豈是陰陽相激。偶爾觸死乎。易曰。震來虩虩。象曰。洊雷震。君子以

恐懼修省。蓋言畏天謹。故修省補過也。宋人教人不信雷誅。深悖易經。不懼天地。未進其善。先喪其德。惜乎後人不肯展開大見識。照明事法之理。惟拘拘然死於宋人之言爾。

宋人非惟臆說天雷。其悖佛過患極甚。文中子用孔孟之學著書。却敬佛法。宋人用佛法著書。却排佛法。欲令後學不看佛書。

宋人既用佛法著書。
何以又排佛。苦言欲

今後學不識其所以
謂此皆非隨地說字
人何曾有此乎。

庶不識其用佛法著書所以然也。宋人於
佛法中所得者。如以一毫蘸海。所得極少。
以此極少之水。令後學取足受用。不復入
海。教壞人心。違悖佛法。失於大善。過莫大
焉。

自有佛法已來。共知歸依進道。懺罪修福。
是為大善。是為大法。是為大道。是為福田。
是為大恩。至於宋季文公家禮。沮人供佛。

宋人闡明儒理。並未
常以佛法立言。其所
謂善不善者。景隆以
臆度之耳。何足為憑。

飯僧不作佛事。從其所說者。失諸善利。深
可憫傷。夫漢唐已來。君臣達士。皆遵佛法。
豈非高明賢德乎。後人不行省察。古今言
語之是非。故溺於宋人之詭計也。

宋人常以佛法立言。其理便善。悖於佛法。
自立意說者。便是平常。余有愚徒。從文從
學。皆不能看破。嗚呼。區區小雛也。譬如蚯
蚓。惟知一尺地中食泥之樂。不知蒼龍深

所謂大人者。以德行
品望之出衆耳。景隆
以學佛者。即爲大人。
不學佛。即非大人。況
向舉諸人。皆舉雖不
倫。韓子滌溪。並非學
佛者。而亦曰學佛。自
相矛盾。顛倒之甚。

躍海淵。飛騰在天。斥鷃惟知竹籬寸竅。左
之右之。之樂。不知大鵬一舉。則九萬里扶
搖。風斯在下。然亦不足怪也。囿於器量。不
能化耳。

略言漢唐已來。牟子。范曄。曹植。陶潛。闕澤
房。杜。魏。虞。李。杜。韓。柳。歐。蘓。楊。傑。瀛溪等輩。
得佛法之饒益。脫然變化。堂堂氣象。有大
人作略。及乎橫渠。程子。楊。謝。羅。李。晦庵。敬

夫等輩。自意於佛法中。已得飽聞。將此見
識著書立言。令人不復入佛。惟李屏山。林
希逸。馮海粟。趙子昂。黃潛卿。宋景濂。徐大
章等輩。不受其惑。能入佛學。亦有大人氣
象。愚徒從文等。雖剃髮披緇。却被宋人所
惑。不自省察。不得佛法之饒益。故無大人
氣象。

范文正公捨宅為寺。寺名天平。延浮山遠

禪師為住持。公凡蒞所守之地。必造寺度僧。興崇佛法。賢德之僧。必與友善。瑯琊覺禪師。悟達之人也。公交甚厚。夫與瑯琊浮山。二禪伯。交深義篤者。則知其於佛法道理。必饒聞矣。公之子孫蕃衍。代代為官。迨今不絕。苟非佛福田中所植。陰德感動天心。能若是乎。

小學一書。晦庵謂死者形朽滅。神飄散。又

神之朽滅者。以人既死。則氣散也。然氣只在天地之間。故子孫聚精誠以祭饗。原可感召。即如天子祭天地。諸侯祭山川。大夫祭五祀。各以其所主者為祭。則精神自可

言范文正公曰。若獨享富貴而不恤宗族。異日何以見祖宗於地下。理學類編。晦庵又曰。死則氣散。泯然無跡。有托生者。是偶然聚得不散。又去湊著。那生氣亦能再生。晦庵既謂形朽滅。神飄散。泯然無跡。何人羞見祖宗於地下乎。何物湊著生氣而再生乎。自相矛盾。莫能解釋也。史記等書曰。魏武子謂兒顓曰。吾死後可嫁吾妾。未幾

相通此精理之貫乎
天人者也。景隆不知
此理。而妄以朱子為
子庸。反謂引經史駁
論。不知經史與朱子
身無忤戾。緣景隆所
見之執誤耳。

又曰。吾死後須殺吾妾以為從塋。已而顓
從前命嫁之。後顓為晉將。臨敵秦將杜回。
忽有一老人結草以抗回。顓乃擒回。顓於
夜間見老人來告曰。我即嫁妾之亡父也。
公嫁我女。故來報德耳。春秋左傳。史記。世
家。咸謂齊襄公殺公子彭生。已而襄公獵
於貝邱。指一物謂羣從曰。此大豕也。羣從
曰。此非大豕。即公子彭生也。襄公不信。援

矢射之物立而泣之。果彭生也。如是死生之際。彰感之事。左傳載之益多。禮記曰。人死曰鬼。又曰。鷹化為鳩。雀化為鵲。至於蒙求等書。鮑靚記井羊怙識環等事。皆與晦庵極相違戾。從文正公與諸經史。則悖晦庵。從晦庵。則悖文正公。與諸經史。令人疑惑。從何而得定理。嗚呼。此事洞明。始得抵當。安可世間之心猜疑而說也。橫渠謂鬼

神。二氣之良能。程子謂鬼神造化之迹。晦
庵謂鬼神氣之屈伸。三人之說。皆是一氣
之造化也。夫此一氣包羅天地。初無缺少。
充塞天地。只此一氣。更無兩箇。一氣曰陽。
曰陰者。只是此一氣展縮而得名也。鬼神
既只是此一氣。則盡天地間。只是一箇混
茫。更無兩箇。蓋為盡天地間。只是一氣。故
也。然則何故有天神乎。地祇乎。五嶽之神。

乎。四瀆之神乎。山川之神乎。社稷之神乎。
無祀鬼神乎。歷代封禪乎。古今祭祀乎。鬼
神如是之多也。較夫三人之說。則不侔矣。
禮記曰。太皞為春帝。句芒為神。炎帝為夏
帝。祝融為神。少皞為秋帝。蓐收為神。顓頊
為冬帝。元冥為神。若據三人所謂。二氣良
能造化之跡。氣之屈伸。然則何必太皞等。
為四時之帝乎。何必句芒等。為四時之神

乎。關尹子曰。鬼者人死所變。中庸曰。鬼神
之為德。其盛矣乎。楊子曰。天地神明不測
者也。皆與三人之說。大不侔矣。晦庵謂死
者。形朽滅。神飄散。泯然無跡。然則太皞等
以何為四時之帝乎。勾芒等以何為四時
之神乎。此又不侔之極也。理學類編有問
人死魂魄便散否。晦庵答曰。固是散。又問
子孫祭祀。却有感格者如何。晦庵答曰。子

孫是祖先之氣。所以感格。若據晦庵之說。則祭五嶽四瀆山川社稷無祀鬼神者。既非其子孫。皆無感格耶。嗚呼。姜源踏人跡而生。后稷簡狄吞鳥卵而生。殷契伊尹生於空桑。誌公生於鷹巢。是誰之氣耶。以誰為祖先耶。爭如孔子曰。未能事人。焉能事鬼。未知生。焉知死。一句推開。却無過咎。理學類編張程晦庵等。皆屑屑然。以孔子原

始反終推而廣之。以論鬼神。此又事極計
生也。大凡事務不知則已。何苦欲沽虛譽。
強而言之。縛住後學。迷塞其心。不復求明
也。悲哉。

曰。師謂夢者。神識也。死而受苦者。此神識
也。竊有疑焉。曰。子所疑者。可得聞乎。曰。人
生有睡夢也。死則形氣既離。何夢之有。曰。
甚矣。子之懵然不達也。子之所見。正類晦。

廢。惟見形氣斷滅也。形氣既能作夢。死而未殯者。形亦尚存。何以無夢乎。至於埋之火之。何不知痛苦乎。當知因有神識成此形氣。形氣如屋。神識如人。去住由人。屋是閑物也。漢牟子曰。人臨死則家人上屋呼之。魂神還則復蘓。不還則不蘓。魂神固不滅矣。但身自朽爛耳。身譬五穀之根葉。魂神譬五穀之種實。其根葉生必當死。種實

豈有終乎。牟子之語亦詳矣。

庸齋先生曰。伊川謂佛學有上達無下學。余謂伊川之言亦是亦非也。吾宗以悟道為要。不在學問。佛言千日學慧。不知一日學道。從上祖師。不許叅禪人看經教語錄文字。惟令一味叅究悟道。實惟上達也。以此論之。伊川之言可謂是矣。吾佛世尊說諸經卷。積滿龍宮海藏。大部華嚴有四天

下微塵數偈。流於大夏者。百千萬億分之一也。豈無文字乎。漢唐以來。歷朝三藏法師。洎於佛圖澄和尚。道安法師。遠公和尚。支遁和尚。生肇融叡。二祖神光大師。杜順和尚。智者大師。崇福藏法師。清涼觀國師。慈恩基法師。圭峰密禪師。南山宣律師等。其道則到果位之地。其才則有孔孟之文章。豈無下學也。以此論之。伊川之言可謂

非矣。吾儕當自勉旃。不可虛消歲月。禪宗
雖謂不立文字。然臨濟德山是禪宗第一
等宗師。觀其語錄文章。經教無所不通。東
坡謂雪竇語錄。有两箇翰林學士之才。梅
屋常禪師曰。周武帝廢教。沙門犯顏抗爭。
殆數十人。唐高祖時。傅奕排佛。惠乘法師
等。皇皇論爭。引義慷慨。亦不失法王真子
之識。唐武宗廢教而力爭者。惟知元法師

一僧而已。佛運數否。難莫可免。凡釋子者。處變故之際。無一辭可紀。佛法尊博如天。亦吾徒失學之罪也。余聞徑山一代住持。忘其名。凡有書記到山。則以尊宿之禮待之。侍僧譏其分別。徑山曰。書記是扶教門。敵外侮之良將也。吾以教門為重而然。豈分別也。汝等小兒。安知佛法大任之重乎。侍僧再拜而已矣。書記亦難任也。具內外

學始授其職。內學心要。置之未論。外學可
與翰林頡頏。庶堪措手。不爾則反邀辱矣。
唐季已來。永明。雪竇。明教。大覺。禮法師。式
懺。主寧僧錄。圓法師。黃龍。佛印。寶覺。靈源。
堯。率。覺。範。東山。三佛。大慧。高庵。真歇。弘智。
應庵。密庵。橘州。石室。北澗。淮海。如意。萬松。
彥美。天隱。幻住。天如。覺隱。寂照。廣智。梅屋。
古林。南堂。寶洲。松月。楚石。古鼎。夢堂。見心。

恕中。金室大璞。一初。同庵止庵。用章竺隱
行中。祖芳。隨庵。圓庵。德巖。啟宗。九臯。岱宗
等。皆敵外侮之良將也。近代人物。雖不逮
於古人。然世與時遷。人亦隨之。各當其代
也。

吾宗所謂無為者。無為無不為。無心而為
為。皆正事也。豈是塊然不動乎。言無學者。
學到萬法盡通。至於無學之地。惟取其理。

不取其語。蓋為一切法相。咸同一相。所謂
無相。此無相法。性相皆空。俱無自性。俱不
可得故也。豈是蚩蚩度日。作愚人乎。大部
諸經。皆言智為先導。雖修五波羅蜜。乃至
萬行。若無般若。皆名魔業。若忘失菩提心。
皆名魔業。佛鬼心亂者。則令其作死屍骸
骨之觀。想見心不亂者。則令其數息。如是
調攝其心也。祖師凡見可於機用發明者。

則以禪機攝之。凡見泥於文義者。則令其
離文字而學道。凡見不知文義者。則令其
學智慧而明般若。不然則固守僻執。一愚
人耳。嗚呼。人心如是難調理也。故勞大覺
聖人。說許多經教。對機調治。故云千經萬
論。緣何事。只為調治一點心。凡吾緇侶。自
宜量其材力。立其志願。確乎戒德。體乎佛
心。然後或專於悟道。或兼明經旨。或先學

問而後發用。請擇其道而行之。如是修心。以期成道。弘傳教法。以利於人。可謂為僧之本等也。宋理宗時。靈隱癡絕冲禪師。令門下之僧。常衣直裰等服。晝夜不釋其身。臨睡則披五條袈裟。囊佩大衣而卧。聖朝洪武間。長興僧官林禪師。常衣直裰等衣。日夜不離於體。以一布囊。安置戒牒。佩之於膺。惟登廁澡浴二事。則以此囊懸於壁。

事畢復佩之。宵旰不遺。沒齒而後已。虎邱行中仁禪師。凡得沉檀異香。則以小合貯之。置於大香合中。每旦持以行香。至世尊前。於小合中另取好香一炷進之。除外不復他用。客至惟爇常香而已。

世有一卷註解金剛經。題名曹溪六祖大師解義口訣。其註語并前後序。總出一已之意。更非二人之語。此是宋神宗元豐間。

天台羅適所註。假聖師之名也。無深理有
淺義。蓋因淺俚之故。世人多愛之。謬矣。六
祖大師法寶壇經第十付囑章曰。師一日
喚法海。轉相教授。勿失宗旨。共計七百七
十七字。此是金天教之人。偽造邪言。增入
刊板。未草之弊也。詳覽壇經之意。只是一
統說去。分為十章者。亦是金天所分也。世
有後三卷蓮經。此是妄無所知匹夫所造。

樵歌牧唱也。世有金剛經議論。此是金天
教之人。偽造魔語也。世之妄著經書者。亶
亶然不可勝計。我亦何暇覽之。偶覩四端
而已。彼若實言某人所作。此則任其胡言
漢語。何必論之。既假佛祖之名。安可不說。
嗚呼。妄談性理。壞人心法。玷辱佛祖。罪莫
大焉。右言三師之德。吾徒合遵。四端之弊。
諸人合知。是以筆之於此。

援儒入釋之論。反覆
言之不已。甚屬可厭。

宋人昧佛者。惟橫渠以至晦庵數人而已。
不昧佛者。還多焉。濂溪二蘇。張九成。呂東
萊等是也。昔者漢唐已來。而至於宋黃龍
佛印。東林。晦堂。靈源。大慧諸禪師等。不以
儒釋相分。平等開導。體佛之心也。豈料他
人。將我佛法作儒法用。欲歸功於自己。所
以轉身排佛。

國一禪師。以道學傳於壽涯禪師。涯傳麻

衣。衣傳陳搏。搏傳种放。放傳穆修。修傳李
挺之。李傳康節。邵子也。穆修又以所傳太
極圖授於瀛溪周子。已而周子扣問東林
總禪師太極圖之深旨。東林為之委曲剖
論。周子廣東林之語。而為太極圖說。周子
長於禪學工夫。是以工夫之道過於邵子。
邵子長於天時歷數。是以數理之道過於
周子。至於道學則一也。初無二致。

濂溪得法於禪宗。曉
曉言之不已。第不知
出於何書。殊屬可厭
之至。
余又有說者。夫濂溪
二程。當時亦能出之。

曰。師謂晦庵排佛者。心病也。所有心病。乞
師言之。曰。汝但深於佛學。汎及百氏之書。
汝當自見。亦見濂溪二程。以及諸子所得
道學之源流矣。曰。諸子所得。未暇問之。濂
溪程子所得之自。乞師言之。曰。備說則煩。
姑為略說。濂溪姓周。諱惇頤。字茂叔。春陵
人也。初扣黃龍南禪師教外別傳之旨。南
論濂其略曰。只消向你自家屋裡打點。孔

人若果受學於東林。而東林之門弟子。豈不載其授法之由。於禪師之語錄中乎。然余雖未見東林之全語錄。第嘗檢閱方冊。續藏內景德傳燈錄。續傳燈錄。五燈會元。及本朝僧起永所輯五燈全書。俱載有東林總禪師之事。而未見一言一字言及授法於濂溪二程也。若謂向屬本有。後人焉得而不載入乎。此事之無也。不待辯而

子謂朝聞道夕死可矣。畢竟以何為道。夕死可耶。顏子不改其樂。所樂者何事。但於此究竟。久久自然有箇契合處。濂一日扣問佛印元禪師曰。畢竟以何為道。元曰。滿目青山一任看。濂擬議。元呵呵笑而已。濂脫然有省。濂聞東林總禪師得竹林壽涯禪師麻衣道者二師心傳易學窮神極性。由是扣之。總諭濂其略曰。吾佛謂實際理。

自明矣。况濂溪二程
乃理學大儒。非佛法
中人也。宜若景隆以
席溪得法於東林。與
二程皆為佛法中人。
不知從何處聽來。殊
屬妄誕之極。

地○即真實無妄○真而無妄○即誠也○大哉乾
元○萬物資始○資此實理○乾道變化○各正性
命○正此實理○天地聖人之道○至誠而已○必
要著一路實地工夫○直至於一旦豁然悟
入○不可只在言語上會○濂一日與張子厚
等○同詣東林論性○總曰○吾教中多言性○故
曰性宗○所謂真如性○法性○性即理也○有理
法界○事法界○理事交徹○理外無事○事必有

按朱子考証之語實
係濂溪先生所自作
而非有受於人者
濂溪何以言明說非濂

理諸子沉吟未決。濂毅然出曰。性體冲漠。惟理而已。何疑耶。橫渠曰。東林性理之論。惟我茂叔能之。濂問太極。總曰。易在先天。無形有理。蓋太極即易也。無形之理。即無極也。天地間只是一氣。進退而為四時。以一氣言之。皆元之為也。五峰胡先生序通書。謂濂得太極圖於穆修。修得於种放。放得於陳搏。此其學之一師也。明說太極圖。

濂明作了外篇。其
序。但考証之語。其
之。其長。今錄於卷末。
觀其所論。總是援佛
入釋之私心。妄誕無
稽之談。曉曉不已。更
屬可厭之極。

非濂所作。陳搏之學得於麻衣。麻衣得於
壽涯禪師。濂問太極圖之所由。總曰。竹林
壽涯禪師得國一禪師之心傳。其來遠矣。
非言事物而言至理。當時建圖之意。據吾
教中依空立世界。以無為萬有之祖。以無
為因。以有為果。以真為體。以假為用。故云。
無極之真。妙合而凝。濂復造佛印之室。叙
及悟由。印曰。吾多教人。孔孟之大義。今公

所負可以起之。宜力行無滯。東林亦有諭
濂。倡儒為道學之語。濂諭學者曰。吾此妙
心。實得啟廸於南老。發明於佛印。易道義
理。廓達之說。若不得東林開遮拂拭。斷不
能表裏洞然。談貫弘博矣。濂往潮州靈山
寺。訪大顛禪師遺跡。見韓子上大顛書累
幅。併存。及留衣亭。肅然無恙。故題詩曰。退
之自謂如夫子。原道深排釋老非。不識大

濂溪周子著太極圖說及通書。其中何曾有一言一字及東林禪學乎。二程子俱有排佛之語。見於語類文集中。凡讀書之人。無不知之者。空谷景隆將濂溪二程。捏為

顛何似者。數書珍重更留衣。濂作愛蓮詩。曰。佛愛我亦愛。清香蝶不偷。一般奇絕處。不上婦人頭。濂性簡約。平居澹如也。晚年悉屏文字。惟務靜勝。而卒得道學之傳。東林教人。惟務靜勝。濂溪之久。不事筆硯。終日端坐窓前。草色同。一生意。蓋是靜中有得。道學性理之始。實倡於涯師。而至於總師。總以授周子。陳忠肅公曰。性理之說。東

本皆學禪。程子排佛之語。皆為晦庵所造。狂禪恃戾之談。曉曉不已。其誰信之。乃徒自欺耳。

林授之濂溪。濂溪廣之。其言遍於佛書。後村劉先生詩云。濂溪學得自高僧。又云。始知周孔外。別自有英豪。

程子洛中人。諱顥。字伯淳。號明道。弟諱頤。字正叔。號伊川子。野曾先生曰。程氏顥。頤同受學於濂溪。濂溪首令尋仲尼。顏子所樂何事。學成各以斯文為己任。程子以太極圖授之後山先生。後山曰。余觀周程推

何以又有援儒入釋
之論。言之不已乎。

已教人之所以。反觀孔孟以來。實未嘗有
此寂默危坐。做工夫。尋樂處。以為斯文之
窮究。信乎周程體道之源。固有所別流矣。
明道深味於華嚴合論。自謂有所心融意
會。為喜。以其所由。書於雲蓋寺。明道以亡
母壽安院君忌辰。往西京長慶寺。修冥福。
躬預齋席。見衆僧入堂。周旋步武。威儀濟
濟。伐鼓敲鐘。內外整肅。一坐一起。並準清

前以周子得法於東
林。曉曉言之不已。此
處又以伊川問道於
靈源禪師。伊川何曾

規乃嘆曰。三代禮樂盡在是矣。靈源清禪
師答伊川書曰。妄承過聽。以知道者見期。
雖未一奉目擊之歡。聞公留心此道甚久。
天下大宗師。歷扣迨遍。乃猶以鄙人未見
為不足。頃年間。聞先師言公見處。今覽公
所作法要後序。深觀信入。真實不虛也。已
而伊川多入靈源之室。嘉泰普燈錄云。程
伊川。徐師川。朱世英。洪駒父咸問道於靈

有此事。伊川作文。
亦何曾取佛祖辭意。
凡讀書之人。無不知
之者。景隆之言。其誰
信之乎。殊屬妄誕。可
厭之極。

源禪師。故伊川之作文。註書。多取佛祖辭
意。信源流之有從也。石塘胡汲仲先生曰。
孟子沒一千五百餘年。道潛統絕。子周子
出。然後潛者復光。絕者復續。何南程氏二
子。得周子之傳。周子之傳。出於北固竹林
寺壽涯禪師。而為首倡。程子四傳。而得朱
氏文公。文公復得張敬夫。講完此道。方得
脫然處。乃云。前日所聞竹林遺語。未之契。

程子何曾愛讀佛書。
朱子亦何曾博覽佛
書也。

者。皆不我欺。元來此事與禪學十分相似。
學不知禪。禪不知學。互相排擊。都不曾劄
著病處。亦可笑也。歐陽元曰。程子平生愛
讀佛書。但不及朱氏之博覽。伊川曰。明道
先生。出入釋老幾十年。東林論瀛。有一中
散。為萬事。未復合為一理。及天理之性。人
欲之私。天地萬物。本吾一體。元包四德。誠
通誠復。等辭。二程傳其學。故伊川著書立

景隆所引周子通書
程子易傳之言或確
宗之語偶有類此者
並非周程蹈襲東林
之佛語入於通書易
傳也

晦庵謂周子之學莫
知其師傳者即夫子
焉不學而亦何嘗師
之意非謂其並無師
友也景隆引性理之
言而謂其與晦庵言

言皆本其意或全用其語如易傳序體用
一源顯微無間濂溪太極圖說無極之真
妙合而凝無極而太極等語全是東林口
訣周子通書濂洛集等皆根於此周程取
用佛語多類此也

晦庵深諱周程明露佛語故云周子之學
莫知其師傳之所自又云周子之學得之
於天且夫周子通書師友章云至難得者

悖拘泥之極矣。

韓子詆排佛老。統觀
其道數篇。佛骨一表。
其尤著也。今謂敬佛
之辭。後人刪而去之。
不知其何所據也。假
無為有。曲護其非。故
直斥之以斷其誣。

道德有於身而已矣。求人至難。得善有於
身。非師友則不可得也。晦庵之言。悖於周
子之語矣。意在絕其所得之自。殊不知昧
於天理。愈令節病彰焉。有若韓子見大顛
後。所有敬佛之辭。後人刪而去之。晦庵校
韓文。尚留韓子上大顛三通書。後人再刊。
又將此三通書一併刪去。故知後人既服
晦庵之藥。執迷於排佛。尤甚於晦庵。爭知

前引諸人亦錯雜不倫。

晦庵設此闕竅曲排之也。後人不識其所
以然。將謂是實。從實而排之。所謂一人傳
虛。萬人傳實也。嗟乎。晦庵設箇闕竅在此。
後人尚識不破。爭得如薛簡。張拙。白居易。
杜鴻漸。李習之。韓昌黎。陸亘。陳操。李附馬。
楊大年。富鄭公。楊次公。郭公輔。趙清獻公。
周濂溪。張無盡。馮濟川。張九成。呂居仁。諸
大儒等。能參吾宗之禪。闕乎。敬佛法。明佛。

理惟未透禪關者。有若許元度。習鑿齒。宗炳。劉遺民。雷次宗。王導。周顓。沈休文。張說。李太白。王摩詰。柳子厚。王勃。李源。呂蒙正。范仲淹。范蜀公。文潞公。張約齋。呂東萊等。是也。以佛學為通家之好者。有若曹子建。王珣。王珉。文中子。杜子美。杜牧之。孟浩然。劉禹錫。劉長卿。司空曙。司空圖。李羣玉。皮日休。許渾。賈島。項斯。鄭谷等。是也。佛法苟

非大道曷能感諸名賢如是崇尚者也。諸賢才德明敏。豈不逮於後世排佛之人乎。苟不取於諸賢之大公。甘屈於一人。半人之已意者。實未思之誤也。

曰。師謂諸子叅禪明佛理者。皆賢德君子也。惟柳子在八關十六子之列乎。曰。柳子明理君子也。有人謂韓子文勝於柳。柳子詩勝於韓。二子之名。並驅於世。此亦評之。

未詳也。文勢雄健者。韓過於柳也。理學妙密者。柳過於韓也。後世理學不通者。不能窮柳子之文。二蘇子。王荊公輩。優於理學。所謂合節矣。其與劉禹錫易地而官。以便其奉養。此德又餘人之所難行也。惟失所於王叔文。故著其名於十六子之列。柳子於德宗貞元十九年。為監察御史。裏行。彼時王叔文。韋執誼用事。二人奇柳子之才。

擢為禮部員外郎。欲大用之。非妄求也。俄而叔文敗。柳子與劉禹錫等七人俱貶。柳子為永州司馬。至憲宗元和十年。徙柳州刺史也。柳子與薛孟容書曰。宗元狠忤貴近。蹈不測之事。此丈人所聞見。不敢與他人道。又與裴埏書曰。僕早嘗與游者。居權衡之地。十薦賢。幸乃一售。不得。譸張排恨。僕可出而辯之哉。又與李夷簡書曰。宗元

得罪之由。致謗之自。以閣下之明。其知久
矣。又祭妻父楊詹事文曰。宗元謗言未明。
黜伏逾紀。即此觀之。亦足以見其被排謗
之機。章章然明且著矣。何待史氏之說乎。
况柳文篇篇正大。學海淵深。斷無銳氣猖
狂之咎。過於他人遠矣。實有道之人也。嗚
呼。鳳凰不與衆羽同類。衆羽亦不識鳳凰
之貴。故有疑忌之惡也。伺求柳子之過。乘

按語類。晦庵早年。曾
看佛書。後從延平先
生遊。遂覺儒理精微。
並無從學。延平後更
學禪事。即或偶與禪
師往來。形為吟咏者。
亦是交際諷咏之常。
不可便謂為禪學而

便而擗之。可勝道哉。歐陽唐書重而擠之。
溫公通鑑。晦庵綱目。從而抑之。虧其美德
也。賴有天不可欺。冥冥之中。各有前程去
處。

晦庵早從學於延平李先生。久之恨不發
明。及詢長者。咸指之禪學。已而徧謁禪老。
與芑東萊張南軒同問道於大慧禪師。晦
庵十八歲。從劉屏山游。屏山意其必留心

又去其名也。景隆不知何處勒襲陳言。遂為曲論。徒見其不知量耳。

舉業。遂搜其篋。惟有大慧禪師語錄一帙耳。次年登科。晦庵致書於開善謙禪師曰。熹向蒙大慧禪師開示。狗子佛性話頭。未。有悟入。願受一言。警所不逮。謙答書曰。把這一念提撕。狗子語。不要商量。勇猛直前。一刀兩段。晦庵覽之有省。晦庵於竹林小軒誦佛經作詩曰。端居獨無事。聊披釋氏書。暫息塵累牽。超然與道俱。門掩竹林幽。

禽鳴山雨餘。了此無為法。身心同晏如。晦庵有書啟國清禪師曰。寒山子詩。刺成日。幸早見寄。晦庵寄山居僧詩曰。方丈倏然屋數椽。檻前流水自清漣。蒲團竹几通宵坐。掃地焚香白晝眠。地窄不容揮麈客。室空那許散花天。箇中有句無人薦。不是諸方五味禪。陸文安公九淵每與晦庵爭論太極圖說。蓋知晦庵有禪學。故謂晦庵有

悟入譏之。有問今士大夫都入禪家去者何也。晦庵荅曰。是他高似你。你平生讀許多書。記誦文章。所藉以取功名利祿之計者。到這裏都靠不得。所以被他降下了。王介甫平生學許多道理。臨了捨宅為寺。本朝李文靖公。王文政公。劉元城。呂申公。都是甚麼人也。都去入他禪。學佛法。說六根六識四大十二緣生之論。皆極精妙。故曰。

此謂孔子所不及也。四大即是魂魄十二
緣生。出華嚴合論。佛說本言。盡去世間萬
事後。却說出實際理地。不受一塵。萬事門
頭。不捨一法。達摩盡翻窠臼。倡為禪學。與
義學尤為高妙。金剛經大意。只在須菩提
問。云何應住。云何降伏其心。兩句上。故說
不應住法生心。不應住色生心。禪宗有云。
有物先天地。無形本寂寥。能為萬象主。不

晦庵何曾博於佛學。
此乖謬之談。又復曉
曉不已。更屬可厭之
極。

逐四時彫撲落。非他物。縱橫不是塵。山河
及大地。全露法王身。若人識得心。大地無
寸土。看他是甚麼樣見識。今區區小儒。怎
生出得他手。宜其為他揮下也。晦庵如是
博於佛學。又教人棄於佛學。此亦不識晦
庵是何心哉。右言晦庵自用佛語。又諱周
程明露佛語。自博於佛學。又教人棄於佛
學。此二章微露晦庵心病也。汝若浹洽貫

周程張朱等。著書立
言。何曾有佛經禪語
之意。更屬亂道。

禪語中。偶有與宋儒
言語相合者。乃緇流
等。濫取宋儒之辭。以
立言。非宋儒之語。從
禪宗流出者也。

通全體皆見。始知周程張謝游楊晦庵等
著書立言。凡於說道理處。寸寸節節。皆是
佛經禪語之意。豈不見陳忠肅公。謂性理
之說。東林授之濂溪。其言遍於佛書也。近
有一箇半箇指禪語曰。此一篇與宋儒言
語相合。這幾句亦與宋儒相合。嗚呼。曾不
知宋儒言語。盡是禪宗派將出去者也。曰
師之所言。皆出吾儒之書。非存私也。非不

公也。且言正之。排佛者。可是學力之未博
乎。可是理學之未通乎。可是學佛未至而
反排乎。可是紀昌之用心乎。可是局於此
量。不能化之而大通乎。嗚呼。尚亦不敢輕
於常人。安忍欲沽自己之幻名。曲排三界
大聖人度人之大法。吾為之憂。憂彼排者
虧損陰德。至於至也。

曰。中也。亦知周程道學。得於禪宗。傳至晦

此等援儒入釋悖謬
無理之談。前後反覆
言之不已。有如犬吠
蛙鳴。余深惡之。故不
憚煩。逐條批駁。以正
其誣也。

庵不越其教。不知晦庵何以昧佛之德。反
而排之。曰。濂溪窮究道學於黃龍佛印東
林三禪師也。夫三師者端人也。其取友必
端矣。濂溪取友亦必端矣。况程子多游禪
室。多讀佛書。固知程子必是慎德君子。不
肯叛佛。晦庵立言。汎用佛理。反而排之者。
俾人不識也。是故遮掩周程學佛之根。然
亦遮掩不盡。中庸或問。謂楊氏等受學於

程子之學。並非出於
禪宗。景隆欲誣朱子。
並欲誣程子也。其謬
甚矣。

程門其言皆佛老之餘緒。多說游楊謝氏
等言。出於佛老。晦庵明知周程楊等道學。
出於禪宗。適之所謂其所排者。設牆塹也。
曰。師謂讀佛書。便識晦庵心病。竊疑師欲
羅籠人入佛之意。不知然否。曰。佛法如大
路。凡欲於此路行者。亦不拒之。不欲於此
路行者。亦不邀之。學佛者。得佛法之饒益。
佛亦無喜。背佛者。不得佛法之饒益。佛亦

無愠。從佛背佛。在乎人之有善根。無善根而已。安可力致其然歟。北溟有鯢。化而為鵬。聽其自化也。豈人力能俾其化焉。人之從佛。亦何益於我乎。人之背佛。亦何損於我乎。

曰。佛經中語。有與老莊相似者。晦庵謂佛經剽竊其說。此之何如。曰。佛是天上天下三界大聖人也。大道周圓。萬德統備。見人

之所不見。明人之所不明。故有窮妙道之
極談。罄秘蹟之元奧。豈藉老莊之言。以為
用乎。而況歷朝三藏法師。多生西竺。未嘗
善吾中國之書。惟解中國之語。是故到吾
中國。翻譯梵經。而為中國之語而已。翻譯
梵經者。如番邦所用通事人也。只將梵語
轉作唐言。孰敢變亂佛聖人所說之辭。而
壞其經旨乎。佛生周昭王時。老子生周定

王時老子後於佛四百餘年矣。且夫前人竊後人之語耶？後人竊前人之語耶？顛倒荒唐。惑諸後學。道家除老闕莊列之外。諸經皆是後人抹撫佛經之意。後造成道經。晦庵欲蔽佛之光明。千方百計。反而抑之也。人雖可瞞。天不可欺也。庸齋先生曰。佛出西方。豈應於此剽竊。詆佛詆之太過。不公矣。

曰。除晦庵外。亦有排佛者。此復何如。曰。自
無主見。不能識其道之深淺。惟憑晦庵之
說。從而排之。是為隨人脚跟轉也。曰。亦有
不因晦庵之說。自欲排者。此復何如。曰。譬
如世人。惟識常見之物。不識難見之物。忽
遇明月之珠。夜光之璧。光華璀璨。流輝奪
目。不識是寶。疑之為怪。尋握利刃。猛力而
拒之。爭知此物能使貧者富。賤者貴。有如

是功與德也。亦猶瞽者不見日月之光。欲令盡天下人皆瞽其目。同說日月無光明也。

曰。師謂晦庵欲掩濂溪之學。得於禪宗。故云。得之於天。師之確論。愚猶未達。再乞明誨。啟沃愚癡。曰。佛是三界大聖人。尚從然燈佛授記作佛。孔子為萬世師法。亦問於老子。學之不厭。誨人不倦。好古敏以求之。

者也。元策禪師曰。無師自悟者。天然外道也。古之聖人。尚倚河圖洛書。以成文籍。觀天地察物理。以定陰陽。量日影。筭盈虧。以成歷數。未嘗得之於天也。子夏荅魯哀公曰。臣聞黃帝學乎太真。堯學乎伊壽。舜學乎務成。禹學乎西王國。湯學乎威子伯。文王學乎鉸時子斯。武王學乎郭政。周公學乎太公望。自開闢已來。豈有得之於天。

以感應果報。譬遇崇
則可。若聖賢之窮通
得喪。豈可概論。景隆
以此繩朱子誤矣。

者乎。周子惟有淳厚之德。於黃龍佛印處
得些子禪學。於東林禪師處得傳易學。并
說明太極圖之意旨。由是為一代明公。短
中求長而已。何以昧其根本。而謂得之於
天。斯言大謬。欺騙後學甚矣。
凡慢佛者。鮮有不嬰折挫者焉。或致名位
不進。或進而復墜。設不墜亦貧困。或中途
夭闕。或子孫垂蹇。或遭陰罹天譴也。世人

酣迷不能覺察耳。蓋受晦庵之所縛也。晦
庵亦償此感於趙宋光宗紹熙間。累官州
邑而已。寧宗召除煥章閣待制兼侍講。甫
四十六日遽卒。理宗追謚文公焉。嗚呼。以
其文義欲欺三界大聖人。度人出生死。成
道果。生福德。開智慧。衆德統備之大法耶。
豈非深悖天理乎。曰。晦庵亦論性論道。豈
惟文義乎。曰。濂溪問性於東林禪師。師曰。

性即理也。東林以性之瑣末應酬而已。理之一言。豈能盡性之道哉。猶曾子曰。夫子之道。忠恕而已矣。忠恕之言。豈能盡夫子之道哉。此亦應酬而已。濂溪以性即理之一言。取足於心。授之程子。後來晦庵倚恃其說。乃曰。性即理者。為千萬世說性之根基。中庸曰。天命之謂性。率性之謂道。晦庵註云。命猶令也。性即理也。率循也。如是亦

兼訓字而已矣。以即理之所言。指之為性。循此即理。指之為道。晦庵以此瑣言。釋副。中庸之義也。嗚呼。安得子思子再生於世。論此道哉。

曰。晦庵門弟子蔡仲默等。不甚排佛。何以。師徒之不同耶。曰。自東漢南北朝而來。諸子雖通佛學。未克多以佛理著書作文。惟以佛理修心養道。吟咏性情而已。宋儒潛

宋儒並無潛心佛學。
著書立言亦並未用
佛理。景隆不知何所
見而言之殊屬悖謬
之極。

心佛學著書立言皆用佛理。所以儒學至
宋大變。變為道學。發明四書六經也。晦庵
宗於程子。是故今日惟說周程所得之源。
不言諸子之所從也。請觀戰國之下。荀卿
呂不韋。司馬遷。賈誼。董仲舒。劉向。楊雄。班
固等語。不越六經孔孟老莊之意。至於永
平年間。佛法入中國之後。范曄。曹植。許元
度。陶淵明。王維。李翱等語。已入佛學矣。故

有評佛論歸去來辭。結廬在人境中。歲頗
好道。復性書等語。至於楊億。楊傑。二蘓。瀛
溪。橫渠。二程。及上蔡。龜山。東萊。南軒。晦庵
等語。渾用佛學。故有寂默危坐。做工夫。尋
樂處。識神靈。性虛而靈。寂而妙。返本還源。
用力之久。一旦豁然貫通焉。無極而太極。
無極之真。體用一源等語。所以晦庵與門
弟子皆未排佛。晦庵蓋為汎用佛意。欲掩

佛學之德全歸自己之功故立排佛之言。載於書中令人信伏。後人披覽承虛接響排之而已。排佛用此逢蒙之計者起於張子厚。謝良佐。楊中立。張敬夫等。廣之於晦庵也。曰然則張子厚等排佛之語吾師何不辯明而正之。曰曰。屏山李學士鳴道集言之詳矣。曰韓子排佛之說吾師何不辯明而正之。曰當時大顛禪師言之詳矣。曰石

介說怪。吾師何不辯明而正之。曰。如意。邁
禪師荅石記言之詳矣。至於疑禪師甄正
論。嵩禪師輔教編。非韓篇。相國無盡張公
護法論。妙明成禪師折疑論。靜齋劉學士
三教平心論。千瀨慶禪師顯正論。邁禪師
辯偽錄。少師姚公道餘錄。諸公互加發明
益詳矣。先德未言者。今日為子言之而已。
曰。中也。雖不敏。亦知佛法不可排也。世之

排者致令後學失其善心於天理何如哉
曰佛法者生育天地之大本主宰萬物之
靈機上窮空界下徹地輪莫非佛法之所
統攝如是大道何懼排乎譬如大海能容
百川之水亦容諸雜穢流若穢若清咸成
一味有如是德故名爲海佛法亦然毀譽
不動以見佛法之大也詩曰公孫碩膚赤
舄几几此之謂也觀其力排之意速去佛

法。掃土而盡。爭知愈排愈盛。愈抑愈揚。猶張一掌。擬掩太陽。徒奮身努力。而不能掩太陽。少護日光明。惟損自己之德耳。又如仰面喫天。自污其首。逆風揚塵。自至其已。然則何益矣。

曰。師謂佛法利益世人。不知有何利益。曰。叅禪悟道者。得明心見性之益。窮究經教者。得明通元旨之益。依法修行者。得漸入。

菩提之益持戒念佛者得生淨土之益持
戒禪定者得生天上之益歸依信受者得
善根福慧之益善心敬佛者得善因福果
之益依信佛法者不作諸惡得不煩刑法
之益佛法行於世間得陰翊皇度之益此
是體乎三教聖人之心與天地神明至公
無私之意余以慈悲方便令汝知之慎勿
亦效逢蒙紀昌之用心也自喪其德惟是

一身之咎。苟或教壞世人。倣而排之。是則
招因帶果。罪不可逃矣。曰。罪福果報。死生
等事。此皆佛書之語。吾儒不信也。曰。豈特
佛書有是語乎。大禹謨曰。惠迪吉。從逆凶。
伊訓曰。作善降之百祥。作不善降之百殃。
坤之文言曰。積善之家。必有餘慶。積不善
之家。必有餘殃。子曾子曰。人之好善。福雖
未至。去禍遠矣。人之為惡。凶雖未至。去禍

近矣。豈非罪福果報乎。繫辭曰。死生之說。精氣為物。游魂為變。孔子又謂子路曰。未知生。焉知死。豈非論死生之事乎。子乃輕於聖人之訓。重於後人之言。謂無罪福果報。死生等事。壞其心術也。不愧罪福。則無德矣。無德安能進道。大哉佛法。衆德統備。世人獲其善利。不知報恩。反生誹謗。甚於子之刃父也。汝知之乎。曰。余改轍矣。豈復

蹈彼蹊乎。復持此意。諭諸朋輩。令彼知非。免罹害德之咎。益感吾師之德。其深與博。不可極其涯涘矣。

曰。師謂三教聖人。各出隻手。扶持大道。以成天下之化權。此切論也。仰瞻聖上。制法行事。三宗並弘。夫天下之人。咸推此理。即契天地聖人之心也。曰。子言善矣。聖上明逾日月。量同天地。道齊堯舜。德邁商周。協

和萬邦。平章百姓。追回上古。四五千年之
淳朴。喚醒未學。二三百載之沉迷。車同軌。
書同文。混一區宇。儒崇仁。老崇理。咸契佛
心。上符列聖之鈞謨。廣被至仁之厚德。仰
願淳風政化。永垂萬世無疆之大猷。聖子
神孫。克紹一定不遷之洪業。鈞陶萬化。時
歌有道之昇平。共樂泰和。日頌無為之至
治。永貽厥德。克配天心者焉。

嘗聞三教之理。本出一貫。聖賢之旨。不外
一心。故儒以正設教。道以尊設教。佛以大
設教。雖其名不同。而其好生惡殺之意。覺
世牖民之心。與夫除貪窒欲。見性明心。其
歸一而已。蓋仁者。天地之心。儒者粹然無
欲。廓然大公。仁也。佛大慈悲。道廣救濟。又
孰外此仁乎。第人不知三教合一之理。在
儒則詆排佛老。在釋則毀謗儒道。而道又

以儒釋為非焉。紛紛聚訟。莫可究極。要皆持一偏之見。逞自是之私。其於聖人垂教化民之旨。概乎未有當也。余閱沙門空谷景隆所著尚直尚理二編。大抵皆師心臆斷。假衛釋之名。極力詆排朱子。余將其言之非者。已摘錄而批駁之矣。因以見夫世之各立門戶者。釋則援儒入釋。儒每排佛尊儒。其於理皆不得其平也。平心而論之。

儒以性天為主。洙泗淵源。未嘗悖於佛理。而亦不必强牽合於佛理也。釋以圓妙。為悟。驚嶺宗風。未嘗戾於聖道。而亦不必强附會於聖道也。各存其是。並行不悖。非惟不可排。實亦不必排也。自有排之者。而彼此之爭論。因之起矣。所以唐宋諸儒。有詆佛之文。而於是宋明教禪師。有非韓三十篇。明姚廣孝有道餘錄。言程子排佛之非。

二十八條。朱子排佛之非。二十一條。互相
訾議。幾於詈罵。故余謂程朱韓子若不排
佛。後人亦不議之。惟詆排焉。以致滋後人
之議也。又如傅奕之謗佛。同時即有沙門
法琳之罵詈。歐陽修修唐書。將佛教之事。
盡刪削不載。論唐太宗。則有偏僻不公之
語。論唐懿宗迎佛骨。更有謗佛之言。皆被
後人指斥其非。夫涯岨之立。詆毀之門也。

圓融之見。共濟之實也。儒惟闡聖賢義蘊。以淑身善世。而不必斥釋氏之非。釋惟研心性之宗。以叅禪度衆。而不可言儒理之誤。有相資之益。而無相背之岐。其功皆歸於成已成物。以闡揚大化而已。又奚事搖唇鼓筆。爭奇角勝於言語文字之間也哉。余因景隆所著。有見於此。故復推而論之。以平三教中之互相非刺者。

余既作此論後。又翻閱方冊續藏。見宋靜
齋學士劉謐所撰三教平心論中。多有詆
斥昌黎之語。甚至於罵詈。其後又有論歐
陽修。及程朱排佛之非。又見明洪武時翰
林院待詔建安沈士榮所著續原教論中。
亦有辯駁程朱排佛之愆。以此觀之。余所
未見者。又不知凡幾矣。豈止明教之非韓。
姚廣孝之道餘錄而已乎。再傳奕之謗佛。

不但同時法琳之罵詈。更有多人紛紛指
斥。散見於方冊續藏羣書中。夫傅奕原非
見道之真儒。其矢口亂道。肆意謗佛。自招
人之罵詈。本不足論。若程朱乃理學大儒。
闡明先聖之道。原無可詆毀。惟其有排佛
之語。致滋他人訾議耳。自余所見。非議程
朱者已如此。其他與程朱為難者。更難僕
數也。可見當日之排佛。亦屬多事矣。總之

儒者祇宜崇聖。不必排佛。與其斥彼而遭
反噬。以致後人之摘議。何如分道揚鑣。聽
其並行於天壤間之各成其是乎。余因翻
閱所及。故更記之。

顯親王撰

尚直編終

尚理編

中吳沙門空谷景隆述

按此尚理編所言。皆道教之事。但道教諸書。余從未寓目。其所言之是非。不可得知。存而不論可也。

汝南周先生名綱。字宗正。謂余曰。呂洞賓。參黃龍禪師。世傳為故事。諸宗典籍。具載詳明。今年四月間。武林城北新橋五聖廟。

道士繆尚誠擅繪黃龍洞賓講禮之圖撰
集鄙詞立名神化圖偽中生偽惑亂人心
此之一端師曾見否曰見矣小兒戲劇之
事也狂言鄙陋鑿空架虛彼派從來不務
實德惟以誇誕為功晉之王浮偽造化胡
經刻意謗佛歷朝禁草勅令燒毀私匿存
留者處以重罪後魏寇謙之後周張賓唐
之趙歸真宋之林靈素等皆恃幻術誹謗

佛法秣陵道士。因見遠公和尚十囑文云。不信但見冥司錄。彼即乘機造冥司錄。假設魏文帝問李丞相夜判陰司之事。揉撫佛經善惡因果等意。造成一本。號冥司錄。其間謗說毘婆尸佛。亦曾退位。噫嘻。不知聖賢之階級。不知大道之淺深。肆其臆說。誑惑世人。又言黃龍與洞賓出神至揚州賞瓊花。黃龍洞賓皆生唐季。瓊花已沒二

百餘年矣。矧出神者。鬼神活計也。鍊家珍之。以為正事。吾宗大禁。不許出神。無稽之語。欺誑閭閻。呂公謁黃龍時。值龍陞堂。龍曰。衆中有竊法者。呂曰。雲水道者。龍曰。雲盡水乾時如何。呂不能答。龍曰。汝但問來。吾為汝答。呂曰。雲盡水乾時如何。龍曰。黃龍出現。呂忿然問曰。一粒粟中藏世界。半升鐺內煮山川。此意如何。龍曰。守屍鬼。呂

曰。爭奈囊中有長生不死藥乎。龍曰。饒經
八萬劫。終是落空。呂含愠而去。至晚飛
劍脅之。劍不能入。卓立於地。呂拔劍不動。
遂拜求指歸。龍厲聲曰。如何是一粒粟中
藏世界。呂於言下有省。作倡禮謝而已。嗚
呼。古人初無拘縛。理長則就也。孔子曰。君
子之於天下也。無適也。無莫也。義之與比。
洞賓更其鍊術。而歸正法。理之所宜。何必


諱也。佛之教法。統攝三界之大道也。根深
蒂固。確乎不可拔。三武滅之。皆未幾而愈
盛。何藉一鍊士而能扶於教乎。何其不知
量也。去年又刊一板。題云。洞賓不曾見黃
龍。今年又刊此板。題云。神化圖。屢加變亂。
何時息焉。但誑下愚。難惑上智。禮曰。其先
祖無美。而稱之。是誣也。韓文公不肯為史。
蓋懼褒貶之咎。損乎陰德。故云。不有人禍。

則有天刑。繆公又何等人乎。不加三思。卒然從空加空。妄談先德。自召其罪也。曰。黃龍洞賓地步何如。曰。黃龍者。參禪悟旨。見性明心。傳佛正宗。埏陶大化。出生死。越三界之大道也。洞賓者。以陰陽為龍虎。以津液為鉛汞。以元氣為還丹。鍊磨功力。魂魄壽長而已。余不肯言其所習之術。善也。未善也。世間通理學者。自能知之。

曰師謂出生死越三界何謂三界耶曰三界者欲界色界無色界也六凡所居皆受輪迴生死言六凡者六道也諸天人倫修羅餓鬼畜生地獄是也

曰何為出三界耶曰出三界者不受輪迴生死四種聖人也諸佛菩薩緣覺聲聞是也四聖得意生身自利利他於三界內外無住無不住總而言之謂十法界也曰十

法界聖凡之狀。乞師示之。曰。經教詳明。姑示其略。



諸佛

修六度萬行三心圓發得證法身佛

菩薩

修次第觀行一度行得成大乘菩薩

緣覺

修體法空觀十二因緣行道成緣覺

聲聞

修析法空觀依回諦行道成阿羅漢

諸佛

諸天

修上品十善兼修禪定故得生天趣

人倫

修中品十善五戒五常故得為人倫

修羅

修下品十善五常欲勝他故為修羅

餓鬼

作下等十惡正作能悔故為餓鬼趣

畜生

作中等十惡作已能悔故為畜生類

地獄

作上等十惡作已不悔故墮地獄趣

問曰。繆人等。於十法界中。何處所居。曰。彼

五
繆人等。用心不同。各循行業。諸趣攝之。有
定力。有德行。無人我心。天趣攝之。亦習定。
亦修德。有勝負心。修羅攝之。無定力。德有
虧。惟習鍊術。鬼趣攝之。謗佛法者。地獄攝
之。

曰。老子之道何如哉。曰。大道也。傳之闕尹
子。已而列子。莊子。宗其教。皆大道也。老子
曰。聖人抱一為天下式。即唐虞所謂惟精

惟一。允執厥中者。又曰。常無欲以觀其妙。即子思子謂君子之道費而隱。又曰。常有欲以觀其微。即鳶飛戾天。魚躍于淵。言其上下察也。關尹子曰。善吾道者。即一物之中。知天盡神。致命造元。即曾子致知在格物也。列子曰。用之彌滿六虛。廢之莫知其所。即孔子放之則彌六合。卷之則退藏於密也。莊子曰。道惡乎徃而不存。即孔子以

宋儒何曾潛心禪學。
凡著書立言皆非禪
理也。悖謬之談。反覆
言之不已。殊屬可厭
之至。

我為隱乎。吾無隱乎爾。又曰。官天地。府萬
物。即孟子萬物皆備於我矣。又曰。如新生
之犢。而無求其故。即孟子大人不失其赤
子之心也。然於造詣妙道之幽元。出入死
生之門戶。實有精粗。實有遠近。不可埋沒
老關。莊列之德。宋儒潛心禪學。凡著書立
言。皆用禪理。所以儒學變為道學。此是天
地間一等好事。道家變為修鍊。不逮儒家

老子李姓。非韓姓也。
此人人皆知者。言韓
度所生。出於何典。

之變也。惜哉。

曰。佛與老子孰前孰後。曰。佛生西竺迦毘
衛國淨飯國王之太子也。其生時。中國當
周昭王二十四年四月八日也。至穆王五
十二年。佛壽七十九而入滅度。佛生四百
二十二年後。定王三年。亳州瀨鄉韓度生
老子也。簡王四年。老子年二十三。仕為守
藏吏。十二年。遷柱下史。敬王元年。老子年

八十四時當七雄分霸。天下紛擾。聞西竺
佛聖人之教。不治而不亂。欲適西而處之。
胡曾先生咏其詩曰。七雄戈戟亂如麻。四
海無人得坐家。老氏却思天竺住。便将徐
甲過流沙。出關未至流沙。死於扶風之槐
里。即而葬之。秦佚往弔。三號而返。
曰。老子與佛階級何如。曰。老子是世人中
之聖人也。佛是聖人中之大聖人也。老子

是大明一國之聖人也。佛是三千大千世界。天上天下。三界大聖人也。書經謂東賜谷。南南交。西昧谷。北幽都。禮記謂東夷。西戎。南蠻。北狄。家語謂東蟠木。南交趾。西流沙。北幽陵。淮南子謂九州之外而有八蠻。八蠻之外而有八紘。此但南瞻部洲三千洲渚之中一洲渚之域而已。世人不知如是廣大。聞而驚異。疑惑不信。近而言之何

以論遠。聖朝宣使入海。自高麗。日本。毛人。
琉球。旃城。旃辣。暹羅。爪哇。舊港。滿辣。十八。
利。蘇門。帶辣。錫蘭。歌支。鬼離。溜祖。發辣。薩。
勃倪。板葛辣。虎離麼斯。金剛寶座。天方回。
回。如是等國。皆尊佛法。不聞老子之名。近。
國。如是。遠至三千大千世界。無量國土。亦。
如是也。三國之時。尚書令會稽闕澤。字德。
潤。奏對曰。孔老之教法。天制用。不敢違天。

佛教諸天奉行不敢違佛。以此言之。優劣
可見。吳主善之。加闡澤為太子太保。范曄
論佛其略曰。詳其清心釋累之訓。空有兼
遣之宗。且好仁惡殺。匡救崇善。所以賢達
君子多愛其法焉。然好大不經。竒詭高絕。
雖鄒衍之辯。莊周之論。尚未足以概其萬
一。唐秘書監虞世南帝紀史論云。老子之
義。谷神不死。元牝長存。久視長生。乘雲駕

鶴此域中之教也。釋氏之教空有不滯人
我兼忘。超出生死。此象外之談者也。先代
定論彌多。不復備引。曰大明一國之外。次
於高麗日本琉球旃城交趾五國之外。諸
餘國土既不聞老子之教。聞有孔子之教
否。曰。今日未暇。明日為子言之。
曰。劉向集列仙傳。沈汾續之。師曾見否。曰。
嘗於書肆粗揭視之。即置之。不復覽。黃帝

者。古之聖人也。亦以列之為仙。廣成子者。古之異人也。亦以列之為仙。凡有隱逸之士。鬼怪之人。不顧其正乎不正乎。皆以列之為仙。謂年三五百歲。乃至千歲。謂為長生。嗟乎。未始教人明夫自心之道。惟尚詭怪。為奇。言語架虛。不本其實。致令末學向外馳求。失於正性。劉向。賈誼。相如。比肩人也。皆正人君子。安肯為此虛矯荒唐之事。

乎。必非劉向所作。

曰。修真言。師曾見否。曰。亦於書肆大略視之。鍾離洞賓論道。惟取周易淺近之語。而論天地日月。取書經周天度数。而論四時五行。然於妙道。渾無交涉。及言水火龍虎金丹鉛汞等事。皆是形氣精血之談。耻見之也。倚草附木。鬼魅之詞。渾無妙理。此是後學所造。不是鍾呂之作。洞賓始習鍊術。

後遇黃龍指明心法。亦為真仙矣。豈復有此鄙陋之辭耶。玷辱鍾呂之名者。過在後學歟。亦有比比造書者。千異百怪。驚駭聾俗。枝蔓滋多。皆此類也。不復備引矣。吾宗盤山禪師語錄全帙。竊在修真書裏。呵呵。曰。繆人等。謂鍊形為長生。此理何如。曰。彼等執迷於此。妄圖血肉之身。以致長生不死。內以歛精養氣。外以吸露餐霞。執假迷

真不免赴死。但其魂魄壽長而已。不明大道。故不得證於道果。不修戒德禪定之功。故不得昇於天上。不作十惡五逆之罪。故不下滯於冥府。是等不離中陰界中。或遊蓬萊三島。或居五嶽名山。悠悠無歸。一神靈耳。生無忠孝五常之德。亦無陰騭以資父母祖宗。是為偷生之罪人也。此神靈之壽。各隨功力所感。修與短也。壽終而入輪

迴生死。况用泥水之術。而行猥媾之事者。
揉他人之元氣。資自己之幻身。殺他養己。
欺己欺人。死入無間地獄。劫數盡時。得出
頭來。依舊償他宿債。此之一術。並無長趣。
用泥水者。喪身。服丹砂者。狂亂瘡癰而死。
殆不忍聞。家破人亡。不可勝計。自昔以來。
誤賺多少人了也。嗚呼。凡屬有生。決定有
滅。天地尚屬形氣。數盡亦有壞時。豈有血

肉之身。而致長生不死。苟有此理。老子亦
不死耶。魏書曰。秦皇漢武。為學長生。甘心
不息。勞心竭思。所在追求。終莫之致。退恨
於後。故有藥大徐氏之誅也。子野曾先生
曰。武帝末年。乃悟曰。天下豈有仙人。盡妖
妄耳。節食服藥。差可少病而已。

曰。師謂神靈。何名神靈也。曰。有福德者名
神靈。亦名地仙。無福德者。名鬼魂。亦名鬼

趣一身而異名。隨其福力所轉也。曰。師謂
繆人等。死為神靈。何以知之。曰。大道全體
作用。不涉神識。纔涉神識。即落鬼神陰界。
夫神識者。生為念慮。死為精魂。繆人等注
心以養其腎。運氣以養其神。全是神識。不
離陰界。況以出神為正事。妄計陰神為劣。
陽神為優。爭知陽神亦劣也。只分功力大
小而已。有何異焉。此則未待幻身。地水火

風四大分散。先為鬼神矣。洪武間。姑蘓萬峰和尚入僧室。巡視衆僧坐禪。指文藏主云。此僧出神去矣。少頃。萬峰召文。誠曰。圓頂方袍。叅禪學道。何以出神。作此鬼神活計。苟非改正。吾即擯出。老僧門下。不著閑神野鬼。文乃懺悔。改過自新。永樂間。萬峰弟子義首座。向我說也。已而復會統藏主於虎邱。亦言此事。統嘗與文同處坐。夏文

謂統曰。我之出神。不分遠近。皆能往來。亦
能談論。亦能取物。惟不能到天邊運行。只
在低處行去。我亦自知不足取也。苟不得
萬峰老和尚痛心尅責。然亦耽溺於其中
矣。統詰文之心法所蘊。文實供說。元來渾
無見識。惟能靜坐而已。

曰。何為長生也。曰。長生者。明其性也。成其
道也。實德以資之。禪誦以輔之。實德禪誦

亦無繫著。吾佛聖人曰。言無言。言。行無行。行也。幻身雖滅。靈性不遷。道果已成。逾天地之悠久。是為長生也。

曰。然則道家之學不可學也。曰。是何言歟。老闢莊列無修煉皆大道也。究明其理。妙契於心。行其自然。進之不已。是則可以為真仙。可以躋妙道。惟令棄於後世所變。繆人之術也。凡看四子。須用性理會其言語。

不然則又打入繆人隊裏。曰。繆人所變之術。如水之就下。莫之能返。何以致然。曰。不務實德。所以無本。天理如是不違其根也。曰。何以證據。曰。用佛語復謗佛。其無德又如此之甚也。妄認形氣識神。指為靈性。爭知正是生死之根乎。長沙岑禪師偈曰。一等修行不識真。只為無端認識神。無量劫來生死本。癡兒喚作本來人。繆人等認此。

識神。以為靈性。所以愛於出神也。有此妄計。擅造經書。以為能事。部帙滋多。傳之末學。爭知愈傳愈失。訛又生訛。全是妄談。渾無至理。派之不返。病在是矣。其造經書。無筭之多。雖用佛經禪學之語。爭奈不識佛經深旨。不識禪機下落。只能竊語。不能竊道。不免以精氣神為內丹。煉爐火為外丹。立名性命。兼修圖形鬼怪。瞞人自瞞。相牽

沈滯也。亦有稍負聰俊者。遽造經書。益其
偽也。昔唐簡州德山鑑禪師。始習教部義
學出羣。此時推其為義虎。自謂精通佛法。
眼空四海。不信禪宗。有教外別傳之道。吾
到南方。破除禪宗。遂以所造金剛經疏鈔。
擔負出蜀。行至澧州路上。見一婆子賣餅。
遂息肩買餅點心。婆指其擔曰。這箇是甚
麼文字。山云。金剛經疏鈔。婆云。我有一問。

你若答得施與點心。若答不得。且別處去。
山云。汝但問來。婆云。金剛經道。過去心不
可得。現在心不可得。未來心不可得。未審
和尚點那箇心。山不能答。遂至龍潭信禪
師處。良久無人迎迓。山云。久慕龍潭。及乎
到來。潭又不見。龍又不現。潭於屏風裏答
云。子親到龍潭。山亦無語。遂棲止焉。一夕
侍立次。潭云。夜深何不下去。山曰。珍重。便

出遽回曰外面黑。潭點紙燭度與山。山擬接潭。復吹滅。山於此時大悟。便禮拜。自知平日所知。總是心思意解。識情而已。明日將以一擔䟽鈔。縱火焚之。自秉炬。其略曰。窮諸元辯。若一毫置於太虛。竭世樞機。似一滴投於巨海。嗚呼。不得妙悟者。雖造經書五千餘卷。只是識情計度。如取螢火。欲須彌。終不能著。繆人所造經書。欲望德山。

疏鈔。又何啻霄漢之隔。復何言哉。

宋相國張商英號無盡居士。嘗親東林總
禪師。自謂有所得。一夕宿兜率寺。與住持
悅禪師作話次。率云。相公於佛祖大教。一
一明得否。公曰。惟德山托鉢。香嚴獨脚。頌
還有疑處。率云。於此有疑。則未能悟道。公
所知者。盡是心思意解。且請安歇去。公於
室中坐卧不安。偶觸枕子墮地。擊聲悚然。

有省。亟趨方丈扣門。率云：是誰？公云：商英也。率云：作麼生？公云：捉得賊也。率云：賊在甚麼處？公亦不能答。率云：且去。明日相見。公歸室中，又得一箇省處。明日，率云：昨日公案頌來我看。公乃頌云：鼓寂鐘停，托鉢回巖頭。一劄語如雷，果然只得三年活。莫是遭他授記來？率云：始知老僧不辜負汝也。公云：若不遇吾師，幾乎誤賺平生矣。感。

恩無盡也。嗚呼。真叅實悟。方始到家。惡可
凡情妄為也。

曰。坐脫立亡者。此理何如。曰。有實到者。有
似到者。叅禪悟道。平生修持。得證道果。臨
終坐脫立亡。此為實到者也。不曾悟道。雖
有靜定之功。臨終亦能坐脫立亡。此為似
到者也。先懶雲和尚曰。禪定猶雨也。智慧
猶日也。常雨而無日。則爛壞萬物。常日而

無雨則焦壞萬物。雨日迭施始克成就萬物也。斯言切當矣。有定無慧者。如有地而無苗。偏於下也。有慧無定者。如有苗而無地。偏於上也。定慧等持者。可以造道。如地有苗。可以成其物也。故云。禪定智慧。如車二輪。闕一不可。禪定智慧。隣於悟道之漸也。縛於此者。又難悟也。我答安雪心語。稍亦論之矣。昔唐有僧。常著紙衣。故名紙衣。

道者。一日見曹山章禪師。山云。如何是紙衣下事。僧云。一裘纔掛體。萬法悉皆如。山云。如何是紙衣下用。僧乃立化而去。山云。只解恁麼去。不解恁麼來。僧乃復甦。却問云。一靈真性。不假胞胎時如何。山云。未是妙。僧云。如何是妙。山云。不借借。僧於言下大悟。再拜曰。今日始是悟道也。遂歸單位。坐脫而已。此是先似到。然後實到者也。石

霜諸禪師遷化後。虔侍者謂師兄泰首座
未會先師意。泰即坐脫而去。虔云。坐脫立
亡。則不無要會先師意。則未。在。汝能恁麼
去。還能恁麼來。亦未許你在。泰亦竟不能
回。長往而已。此則似到而不到者也。凡能
不起妄念。無所執著。心常寂靜。臨終便能
坐脫立亡。當知平日實得悟道。始為大要。
或不悟道。雖能坐脫立亡。只在識神陰界。

不出輪迴生死。未為善也。僧習正法。尚爾之難。况鍊術者。又何如哉。

曰。繆人偽造之篇。如此惡口。吾師之論。何以澹然。不甚嚴厲。曰。繆人若果是箇人物。所造之篇。若果有力。我即亦動干戈。與之大戰。夫繆人者。莽漢耳。所造之篇。鄙於田歌牧唱。但惑愚人而已。稍知理者。不肯視之。視則污其耳目。我故不動干戈。略言大

體之理自有達者。開諭羣人。孔子曰。十室之邑。必有忠信。此之謂也。余亦學仁義者。安肯與莽漢同其行事耶。曰。繆人之術。幸已知之。道家立教等事。悉願聞之。曰。道家之事。我以三教聖人教門之故。皆已卷而懷之。未嘗言也。茲因繆人平地興波。誣言惑衆。以彼不仁。起我分別。故答汝問。略言繆人之術也。然亦不為私其怨也。亦欲救

其知於彼術之不善。棄之而學乎老闕莊。
列之道也。

曰。謗佛法者。其有罪乎。其無罪乎。曰。萬般
罪過。惟謗佛法者。最為極重。夫佛法者。超
度三界萬靈之大法也。粉骨碎身。尚不能
報佛恩之萬一。況欲謗乎。曰。其罪報之狀。
乞師言之。曰。言則人所驚怖。不可言也。曰。
綱也。苟不請問。何由知之。惜乎佛法來遲。

老子素王不相會遇。是故佛法不得老子。
素王發揮其道。指諭後學也。是以後學不
識佛聖人。起三界之大道。輒恣其凡情。互
加誹謗。自罹其咎。可勝道哉。可勝道哉。
曰。吾師如是直言。或有相忌者。曲設巧計。
排陷吾師。其禍忽至。將如之何。曰。君子可
欺。以其方。難罔以非其道。昔者舜誅四凶。
天下服其公。漢誅韓信。天下哀其忠。到伍

員於屬餽擊晉鄙於魏。旬放屈原於汨羅。殺禰衡於楚國。殺周顗於新亭。殺岳飛於浙右。周公辟於東都。東坡繫於囹圄。吾佛世尊受毒於竺國。達磨大師受毒於洛中。獅子尊者受戮於西竺。摩法師受戮於秦中。道法師貶於道州。杲禪師貶於衡梅二地。其公與私自有定論。天下評之孰能過也。千載之後其褒愈重。其責愈嚴。人心天

理也。肇法師臨刑說偈曰：四大元非有，五
蘊本來空。將頭臨白刃，猶似斬春風。元沙
備禪師曰：肇法師平生寐語，臨死亦寐語。
余謂肇法師臨危不悚，可謂丈夫。備禪師
痛劊一錐，勇於義也。道法師及乎歸來，不
以去來之跡而介於懷。杲禪師歸來，亦不
以去來之跡而介於懷。秉乎正直，無愧於
心也。文中子曰：天不為人怨咨，而輟其寒。

暑。君子不爲人之醜惡。而輟其正直。洪範
曰。平康正直。此之謂也。矧吾惟說晦庵繆
人之不當。不傷聖人之教法。凡闕乎三教
教門之事。雖大弊亦納而藏之。非訐露也。
但使三教聖人之道。明之於世。令人克進
此道。是吾仁義也。吾何計於勝負乎。任其
私意較之。吾無私也。

古之聖哲。天縱其神。是故道德明敏。與天

地相符而無違也。易曰：先天而天弗違，後
天而奉天時。天且弗違，況於人乎？況於鬼
神乎？凡發之於語言，行之於事業，垂於萬
世而為師法。後世學者或不以古聖人之
教準而師之，必陷於偏岐，愈趨愈下，莫之
能返也。欲師其教，必先明其道，以為中正
之大本，已而習之，進之，皆不失其正。近之
以立身行道，孝弟忠信，遠之以致君澤民。

恢宏政化。皆不悖於天地聖人之心矣。佛
老之徒。各求先聖之道。至於達其大本。修
身弘道。共助國家。無為之化。斯為理之固
然也。三教聖人。鮮不以道為教。以善為勸。
分門而為三。歸善而為一。以跡而泥之者。
是不知其道也。不知其道。烏可妄意排之。
既力排之。必欲滅其教也。力排而不滅。必
係其道正大。而不可拔也。夫著書者。發明

聖人之道而垂惠後學也。胡為不然。反藉其公。而伸其私。聖謂非聖。道謂非道。惟馳騁文章。張其幻名而已。豈不悖於天地乎。豈不誤於後學乎。漢牟子曰。訕聖賢者不仁。平不中者不智。不仁不智。何以樹德。德將不樹。頑嚚之儔也。論何容易乎。袁宏漢紀略曰。曰佛身長一丈六尺。黃金色。項中佩日月光。變化無方。無所不入。故能化通。

萬物而大濟羣生。嗚呼。自有佛法以來。盡天下之人。雖匹夫匹婦。亦知佛法不特教人為善。省其刑獄。而能教人明佛性。度生死之大法也。豈非目擊耳聞。某處某人。叅禪坐化。別衆而去。某處某人。念佛坐化。別衆而去。凡如是者。若緇若素。若男若女。數數有之。迭繼不斷。大哉佛法。大利於天下。至於生死之際。又如是之效驗也。惜乎後

人任其已意。曲排佛法。沮人之善心。無以
資陰德。豈小事耶。吾不恐其生民罹此疑
惑之咎。故為著明而已。豈他言哉。言也者。
以天之心。正彼之心。以天之理。正彼之理。
豈循於私乎。且夫孔老之教。不為排佛。而
後為益。不為不排。而後為損。其徒周濂溪
陳希夷。傾心於佛。天下亦行其道。何待排
佛而後彰其名也。吾佛之道。雖排之亦無

損。然亦不恐坐視其非。而袖手緘口也。余
無學不善文。固不足以言之。輒以手面之
間者。據實言之也。餘俟道充才備之士。發
而弘之。若揭日月暴白於天下。使不埋沒。
吾佛世尊度人之大法。庶合天地之心矣。
世人遭此迷惑。陷於不義。不聞佛聖人之
至道。建有慢佛之過愆。吾深切於此。故為
是言也。應有明心達理。公而無私者。證於

吾之言也。

尚直尚理二編著畢偶成

直筆聊為禦侮編。三家文獻證媿妍。侮辭
若滅吾書滅。理正無私不愧天。

尚理編終

此冊內尚有批駁未盡者。已批駁入於澄觀堂隨筆後集中。再摘錄於此卷之末。

景隆言。濂溪得太極圖於穆修。修得於种放。放得於陳搏。此其學之一師也。明說太極圖非濂溪所作。

朱子太極圖說註解云。潘清逸。誌先生之墓。叙所著書。特以作太極圖為稱首。然則此圖當為先生書首無疑也。又嘗讀朱內

翰震進易說表。謂此圖之傳。自陳搏种放
穆修而來。而五峯胡氏作序。又以為先生
非止為种穆之學者。此特其學之一師爾。
非其至者也。夫以先生之學之妙。不出此
圖。以為得之於人。則決非种穆所及。以為
非其至者。則先生之學。又何以加於此圖
哉。是以竊嘗疑之。及得誌文考之。然後知
其果先生所自作。而非有受於人者。二公

蓋未嘗見此誌而云云爾。按朱子考証之語。景隆何以言非濂溪所作也。

空谷景隆以陳子絰宋鑑。只收宋主崇奉道教。不收其尚佛。為抑佛而揚老。前後反覆言之。嘵嘵不已。殊屬顛倒悖謬。可惡之極。夫史冊所載。帝王之崇尚釋道。皆譏議其過失。無有稱讚其是者。歷代之尊崇佛老。不具論。只以宋代言之。宋真宗大中祥

聖

符元年春正月。有天書見於承天門。大赦

改元。

龍圖閣待制孫奭言於帝曰。以臣愚所聞。天何言哉。豈有書也。帝默然。

祖仁皇帝御批云。虛誕之說。欺人且不可。

況假為書詞。以欺天乎。宋真宗之蔽惑。不

待言也。○是年六月。得天書於泰山。羣臣

上帝尊號。○作玉清昭應宮。

奉天書也。知制誥王魯都

虞候張旻皆○五年冬十月。帝言聖祖降

于延恩殿。

帝語輔臣曰。聖祖命朕前曰。吾人皇九人中一人也。是趙之始。

祖。再降。乃軒轅黃帝。後唐時。復降生。趙氏
之族。今已百年。皇帝善為撫育。蒼生無怠
前志。即離座乘雲而去。○發明云。真宗以
聖祖。下降。宣諭羣臣。則其惑世誣民。莫此
為甚。以萬乘之尊。而效虛無之說。恠誕不
經。殊無愧恥。深可醜笑。遂使徽宗效尤。仍
至覆國。○十一月。以王旦當相時也。兼玉清
惜哉。昭應宮使。宗尊像。以丁謂為奉迎使。奉安
於玉清昭應宮。帝率百官郊謁。又詔刺天
書於宮。以旦為刺王使。王欽若與謂副之。
○廣義云。真宗狂妄人也。既欺其天。又欺
乎人。而又欺祖宗。則是人間闖走隸之不可
也。夫閭閻走隸。尚知天。人祖宗之不可慢。
而況萬乘之君乎。綱目備書于冊。所以遺

真宗萬年。○是月作景靈宮。奉聖祖也。○
之。真宗萬年。○是月作景靈宮。奉聖祖也。○
作。不宜作也。易曰。節以制度。不傷財。不害
民。真宗藏固己深。無益繼作。前書作玉清
昭應宮。又書作會靈觀。此書作景靈宮。竭
天下之財。而不恤。歛天下之怨。而不辭。鳴
呼。節用愛民。為國首務。以有限之。○七年。
財。恣無窮之費。豈不深可惜哉。○七年。
春正月。帝如亳州。謁老子于太清宮。先是
謁太清宮。命王旦兼大禮使。丁謂兼奉祀
經度制置使。陳彭年副之。加號太上老君
混元上德皇帝。孫奭上言。陛下事事慕效
唐明皇。豈以明皇為令德之主邪。帝曰。東
封。祀汾謁陵寢。享老子。非始于明皇。且開
元禮。今世所循用。不可以天寶之亂。而非

之。作解疑論以示羣臣。是月奉天書發京
師。遂朝謁太清宮。丁謂獻白鹿一。芝九萬
五。千本。曲赦亳州。及車駕所經。流以下罪。
升亳州為集慶宮。賜酺三日。○廣義云。孫
奭言。陛下事慕效唐明皇。豈以明皇為
令德之主邪。帝曰。東封祀汾。謁陵寢。享老
子。非始于明皇。且開元禮。今世所循用。不
可以天寶之亂而非之。觀此。則知真宗飾
非以拒乎奭者。至矣。為奭者。盍亦云。然則
姑以東封一事言之。則始于秦皇也。今陛
下專意東封。必欲取法于秦皇矣。秦皇抑
豈令德之主哉。如此以告。不知真宗何辭
以答奭乎。惟其不爾。此解疑妄論之所由
作也。孟子曰。今之君子。過則順之。又從為
之辭。其真歟。○十一月。玉清昭應宮成。

聖

祖仁皇帝御批云。宋真宗以天書之故。作此宮以奉之。勞民傷財。置於無用之地。復為御容以侍天書。命大臣兼領宮使。何所取益。甚不可解。

宋徽宗政和三年九月。賜方士王老志號洞微先生。王仔昔號通妙先生。○十二月。詔求道教僊經于天下。廣義云。綱目記其月。而特書於冊者。所以著徽宗用心不端。而擇術之不正也。○四年春正月。置道

階。發明云。嗚呼。徽宗崇尚虛無之心。至是極矣。拜官階級。國有常規。如文武官品。自一至九之類是也。然不過用賢之資耳。徽宗寵信方士。遂置道階而有二十級。二。十。六。等。之。號。則。其。無。知。妄。作。悖。禮。滅。義。之。心。為。可。見。焉。上。書。求。道。教。仙。經。下。書。置。道。階。無。一。而。非。慕。道。之。事。噫。苟。以。是。心。推。之。治。國。則。以。何。往。而。不。善。哉。大。書。特。書。深。也。機。之。○秋八月。新作延福宮成。○六年春。正月。賜方士林靈素號通真達靈先生。○二月。作上清寶籙宮成。○發明云。作不宜作是月。成於是月者。機速費也。徽宗惑林靈素之言。立道學。作寶籙。兩月之間。二事並

舉。國家大政。費而不恤。勞民傷財。無時休息。自古繼世之君。未始不成於戒謹。而敗於逸豫也。○七年春二月。帝幸上清寶籙宮。命林靈素講道經。○夏四月。道籙院上章。冊帝為教主道君皇帝。○十二月。帝言天神降于坤寧殿。詔示百官。○宣和元年春正月。詔更寺院為宮觀。以林靈素欲盡廢釋氏。佛號大覺金仙。餘為仙人。大士。僧為德士。易服飾。稱姓氏。寺為宮。院為觀。改女冠為女道士。尼為女德。尋詔德士並許入道學。依道士之法。○發明云。此書詔更寺院為宮。

觀。特有好惡偏私之異耳。
非灼然明達不惑者也。

夫陳子經宋鑑。余雖未覩其書。觀明成化
年所輯通鑑綱目續編。宋主並無尚佛教
之事。蓋綱目續編有取於子經之宋鑑也。
試觀余所摘錄綱目中記載真宗徽宗天
書道教等事。及史臣之論斷贊揚之乎。抑
譏議之乎。又覽傳燈錄五燈會元。鐔津文
集。及僧人記載語錄諸書中。雖載有明教

契嵩大覺懷璉等之事。及太宗。仁宗。與僧
人問答之語。此不過政事之暇。偶爾之舉。
初無害於國政。非如梁武帝之溺於佛教。
紀綱廢弛之可比。史冊又奚用記載乎。此
外並無尊奉佛教之事。本無可載。景隆何
以因其不載。而遽謂之抑佛耶。若夫真宗
之見聖祖于延恩殿。較唐高宗之崇奉老
子為尤甚。蓋高宗雖非老子之後。然而周

時。尚有老子李姓其人。真宗乃將杳無形影之人。冒認為伊祖。其欺人欺天。以欺其祖宗。為何如哉。似此等記載。皆後之修史者。彰著其過。而譏議其非。使為後世之鑒戒也。何得謂之揚老乎。余深惡景隆之顛倒是非。雖前已曾批駁之。猶未暢然。今詳悉剖列。瞭然知其言之乖戾。不可聽也。景隆言佛法無權勢。在乎帝王臣宰之手。

欲抑之。欲扶之。猶握拳展掌而已。是何所見之大謬也。夫天下事有難有易。不可槩以爲易也。若景隆所云。抑扶之權。總自我操。何其如斯之易乎。余間嘗披閱佛祖通載等書。周武帝除滅佛法。彼時有靜靄法師。沙門惠遠等。羣爭力辯。其言亦甚剴切詳明。唐時傳奕上疏。沙汰天下僧道。當時即有沙門法琳等。抗疏辯論。又作破邪論。

等書。以罵詈之。而傳奕之說。卒未能行。况
緇流散布天下。為數甚衆。而其中賢不肖
不一。若盡行除滅。其賢者。則遠避自修。其
次者。則別覓生理。其下者。既無產業可倚。
焉知其不相聚而為亂乎。何得謂之無權
勢也。余前曾有北魏太武。周武帝。唐武宗。
皆除滅佛法。不數年而復大興。以三朝帝
主。尚不能滅。韓愈一刑部侍郎耳。豈能滅

之乎之語。景隆乃謂抑佛法。猶握拳展掌而已。其不達世理。誠所謂聾瞽之說也。余前雖批駁。尚有未盡者。今再書於此。

顯親王識

